

四庫全書

集部

欽定四庫全書

集部

庚子山集卷四

詳校官左都御史_臣李綬

檢討_臣何思鈞覆勘

總校官進士_臣朱鈐

校對官助教_臣卜維吉

謄錄監生_臣周光緒

欽定四庫全書

庾子山集卷四

周庾信撰

錢唐倪璠纂註

詩

園庭

秋鄉從物外養學事閒郊

禮記曰六季秋於鄉

窮愁方汗簡無遇

始觀交

後漢書曰吳恢殺青簡以寫經書章懷太子注云殺青者以火炙簡令汗取其青易書復不蠹

謂之殺青亦謂汗簡義見劉向別錄也易有三百八十四爻

谷寒已吹律簷空更剪

茅

劉向別錄曰鄒衍在燕齊有谷寒不生五穀鄒衍吹律而溫之至生秦漢書曰茅茨不剪師古曰屋蓋曰

茨茅茨以茅覆屋也

樵隱恒同路人禽或對巢

臧榮緒晉書云何琦曰胡孔明有言

隱者在山樵者亦在山在山則同所以山則水蒲開異譙周古史考曰許由夏常居巢故一號巢父

晚結風竹解寒苞

鮑照採桑詩曰早蒲時結蔭爾雅曰如竹箭曰苞郭注云條竹性叢生

古槐時變火枯楓乍落膠

淮南畢萬衍曰老槐生火山海經曰黃帝殺蚩尤棄其桎

桎化為楓郭璞曰楓似白楊葉圓而有脂而香今之香楓是膠楓樹脂也

倒屣迎懸榻停

琴聽解嘲

魏志王粲傳曰蔡邕才學顯著貴重朝廷常車騎填巷賓客盈座聞粲在門倒屣迎之後

漢書徐穉傳曰豫章太守陳蕃不接賓客惟見穉來特設一榻去則懸之又陳蕃傳曰太尉李固表薦穉樂安

太守郡人周璆高潔之士前後郡守招命莫肯至惟藩
能致焉字而不名特為置一榻去則懸之二傳互載在
豫章則特設以待稱在樂安則特設以待璆並有懸榻
之事也揚子解嘲序云人有嘲雄以玄之尚白雄解之

號曰香螺酌美酒枯蚌藉蘭殼西京雜記曰趙飛燕為
皇后其女弟上穉有香

螺厄出南海一名丹螺王子年拾遺記曰漢武帝思懷
李夫人侍者覺帝容色愁怨乃進洪梁之酒酌以文螺

之厄厄出波祇之國知螺可用為酒厄也邊讓章
華賦曰蘭般山疎椒酒淵流注云蘭般芳若蘭也飛魚

時觸釣翳雉屢懸庖王子年拾遺記曰仙人甯封食飛
魚而死二百年更生故甯先生遊

沙海七言頌曰百齡暫死食飛魚此云飛魚蓋言游魚
之觸釣也周禮有庖人鄭注云庖之言苞也裹肉曰苞

直釋曰言庖者今之廚轉作庖者欲取庖人主但使相
六獸六禽以供庖廚有裹肉之意也庖扶交反

知厚當能來結交

歸田

子山欲歸田里故作是詩

務農勤九穀歸來嘉一廬

周禮冢宰職云以九職任萬民一曰三農生九穀鄭司農

云三農平地山澤也九穀黍稷秫稻麻大小豆大小麥也後鄭謂三農原隰及平地九穀無秫大麥而有粱菰

秫音述菰音瓜彫胡也周禮戴師云以廬里在國中之地鄭注云廬民之區域也以廬里任國中而遂人職授

民曰夫一廬百畝揚子雲穿渠移水碓燒棘起山田

漢書

曰穿漕渠通渭孔融曰水碓之巧勝於聖人斷木掘地說文曰碓舂也棘荆棘燒棘謂芟草除地也鄭司農注

周禮三農平地山樹陰逢歇馬魚潭見酒船苦李無人

澤知有山田矣

摘秋瓜不直錢

晉書曰王戎與羣兒戲於道側見李樹多實等輩競趨之戎獨不往或問其故

戎曰樹在道邊而多子必苦李也取之信然吳越春秋曰越伐吳吳王邀去走三日三夕腹餒口饑因得生瓜

已熟吳王掇而食之謂左右曰何冬而生瓜近道人不知何也左右曰盛夏之時人食生瓜起居道傍子復生

秋霜惡之故不食吳王嘆曰子胥所謂且食者也

社雞新欲伏原蠶始更眠

楚荆

歲時記曰春分日民並種戒火草於屋上有鳥如鳥先雞而鳴架架格格民候此鳥則入田以為候社日四鄰

並結宗會社牲醪為屋於樹下先祭神然後饗其胙周禮曰馬質禁原蠶者鄭注云天丈辰為馬故蠶書曰蠶

為龍精月值大火則浴其種是蠶與馬同氣也

今日張平子翻為人所憐

後漢書曰

張衡字平子南陽西鄂人也衡著歸田賦李周翰曰衡遊京師四十不仕順帝時闕官用事欲歸田里故作是

賦子山本張平子
之賦而作此詩焉

寒園即日

寒園星散居搖落小村墟

釋名曰星散也列位布散也
青細雜記嶺南謂村市為墟

遊仙半壁畫隱士一牀書子月泉心動陽爻地氣舒

禮記

曰仲冬泉水動律書云十一月律中黃鍾黃鍾者陽氣
鍾黃泉而出也其於十二爻為子子者滋也滋者言萬
物滋於下也後漢書魯恭議奏曰易曰潛龍勿用言十
一月十二月陽氣潛藏未得用事雖煦噓萬物養其根
莖而猶盛陰在上地凍水冰陽氣否隔閉而成冬故曰
履霜堅冰陰始凝也馴致其道至堅冰也言五月微陰
至十一月堅冰至也蔡邕
獨斷曰冬至陽氣始動

雪花深數尺冰牀厚尺餘

韓詩

外傳曰雪花六出故雪曰雪花左氏傳曰闕地下冰而
牀焉故冰曰冰牀博物志曰北方地寒冰厚三尺氣出

口為

蒼鷹斜望雉白鷺下觀魚

春秋大雉鉤曰金伐木
故鷹擊雉李陵詩曰有

鳥西南飛熠燿似蒼鷹張華鷄賦云蒼鷹鷙而受縲
爾雅曰鷺舂鉏郭注云白鷺也頭翅背上皆有長翰毛
今江東人取以為睫攤名之曰白鷺線陸機疏云鷺水
鳥也白而好潔故謂之白鳥齊魯之間謂之舂鉏遼東
樂浪吳揚人皆謂之白鷺好欲
取魚時則弭之今吳人亦養焉

更想東都外羣公別二

疏

漢書曰疏廣為太傅兄子受為少傅太子每朝因進
見太傅在前少傅在後父子並為師傅朝廷以為榮

廣謂受曰吾聞知足不辱知止不殆功成身退天之道
也即曰父子俱移疾三月還稍篤上書乞骸骨上皆許
之賜黃金二十斤皇太子贈以五十斤公卿大夫故人
邑子設帳祖道供張東都門外送者車數百兩辭決而

去及道觀者皆曰賢哉二大夫咸歎息
為之下泣言雖仕者亦思乞骸骨歸也

幽居值春

山人久陸沉幽徑忽春臨

莊子曰孔子之楚其鄰有夫
妻臣妾登極者仲尼曰是陸

也

決渠移水碓開園掃竹林

西都賦曰
決渠降雨

欹橋久半斷

崩岸始邪侵短歌吹細笛低聲泛古琴

琴有
泛音

錢刀不相

及耕種且須深

風俗通曰錢刀俗說利傍有刀言治生
得金者必有刀錢之禍漢書王莽造大

錢作契刀錯刀五銖錢凡
四品並行故稱錢刀也

長門一紙賦何處覓黃金

長門

賦序云孝武皇帝陳皇后時得幸頗妬別在長門宮愁
悶悲思聞蜀郡成都司馬相如天下工為文奉黃金百

斤為相如丈君取酒因於解悲愁之辭
而相如為丈以悟主陳皇后復得親幸

卧疾窮愁

危慮風霜積窮愁歲月侵留蛇常疾首映弩屢驚心

書晉

曰杜預在荊州因宴集醉卧齋中外人聞嘔吐聲竊窺
戶止見一大蛇垂頭而吐聞者異之其後徵為司隸校
尉加位特進行次鄧縣而卒題是卧疾似用此語又疑
疾首是用孫叔敖兩頭蛇事賈誼新書云孫叔敖為兒
時出道上見兩頭蛇殺而埋之歸見其母泣問其故對
曰夫見兩頭蛇者必死今出見之故爾母曰蛇今安在
對曰恐後人見殺而埋之矣母曰夫有陰德者必有陽
報爾無憂也及長為楚令尹今云留蛇常疾首者疑言
留此兩頭之蛇常疾惡其首也有將死之徵矣映弩屢
驚心者風俗通曰汲令應彬請主簿杜宣飲酒時其上

懸赤弓照杯中如蛇宣惡之因得疾彬知之延宣於舊處置酒指曰此弩影似耳疾遂瘳又晉書樂廣請親客飲酒見杯中有蛇意甚惡之既飲而疾於是河南聽事壁上有角漆畫作蛇廣意杯中即角影也復置酒前處所見如初客豁然

穉川求藥錄君平問卜林

晉書曰葛洪字穉川

丹陽句容人也師事南陽太守上黨鮑玄玄亦內學逆占將來見洪深重之以女妻洪洪傳玄業兼綜練醫術凡所著撰皆精覈是非而才章富贍有金匱藥方肘後要急方漢書曰蜀有嚴君平卜筮於成都市裁日閱數人得百錢足自養則閉肆下簾而授老子博覽無不通依老子嚴周之指著書十餘萬言師古曰地理志謂君平為嚴遵三輔決

野老時相訪山僧或見尋

應劭藝文志注云年

老居田野相民耕種故稱野老說文曰僧浮屠道人也

有菊翻無酒無絃則有琴

續晉陽秋曰陶潛嘗九月九日出宅邊菊叢中坐久之
滿手把菊值王弘送酒至即便就酌醉而歸淵明不解
音律而蓄無絃琴一張每酒適輒撫弄以寄其意
詎知長抱膝徒為梁父吟蜀志
曰諸葛亮躬耕隴畝好為梁父吟身長八尺自比於管
仲樂毅時人莫之許也惟博陵崔州平潁川徐元直與
亮友善謂為信然注云魏畧曰亮在荊州以建安初與
潁川石廣元徐元直汝南孟公威等俱遊學三人務於
精熟而亮獨觀其大畧每晨夜從容抱膝長嘯而謂
三人曰卿仕進可至刺史郡守也三人問其所至亮笑
而不言言已在周卧疾窮愁其狀似危求醫問卜
訪尋者多豈知己抱膝而吟實有諸葛之志也

山齋

寂寥尋靜室
蒙密就山齋

楚辭曰聲噉噉以寂寥兮王逸曰寂寥空無人之貌也范

蔚宗樂遊應劭詩
曰遵渚攀蒙密

滴瀝泉澆

一作遠

路穹窿石卧階

說文曰滴

瀝水下滴瀝也江淹謝臨川詩云乳竇既
滴瀝爾雅郭注云穹窿至極亦為大也

淺槎全不動

盤根惟半埋圓珠墜晚菊細火落空槐

江淹恨賦曰秋露如珠淮南子

曰老槐生火

直置風雲慘彌憐心事乖

望野

試策千金馬來登五丈原

漢書曰漢使壯士車令等持千金及金馬以請宛王貳師

城善馬魏氏春秋曰諸葛亮據渭水南司馬懿謂諸將曰亮若出武功依山東轉是其勇也若西上五丈原則諸君無事矣亮果屯此原與懿相遇水經注曰武功縣西南倚嶺山北歷針谷逕五丈原東諸葛亮與步騭書

曰僕前在五丈原言野望有有城仍舊縣無樹即新村城之處仍

舊時郡縣無樹之拓地志云水向蘭池泊日斜細柳園蘭池陂即

古之蘭池在咸陽縣界秦記云始皇都長安引渭水為

池築為蓬瀛刻石為鯨長二百丈逢盜之處也漢書曰

周亞夫屯細柳涸渚通沙路寒渠塞水門但得風雲賞何須人

事論後漢二十八將論曰然咸能感會風雲奮其智勇

衰不足言古佐命之臣風雲相感為可嘆賞至於人事盛

論也

蒙賜酒

金膏下帝臺玉歷在蓬萊

穆天子傳河伯曰示汝黃金之膏山海經曰鍾鼓之山帝

臺之石所以觴百神也郭璞注云帝臺神人名舉觴燕會則於此山因名為鍾鼓也玉歷疑作玉澀郭璞山海經注所謂白玉膏是也蓬萊三神山名仙人一遇飲分得兩三杯忽聞桑

葉落正值菊花開

水經注曰河東郡民有劉白墮者宿擅工釀採浥河流醞成芳酎懸食同

枯枝之年排子桑落之辰故酒得其名矣自王公支庶牽拂相招者每云索郎有顧思同旅語索郎反語為桑落西京雜記曰九月九日佩茱萸食蓬餌飲菊花酒令人長壽菊花舒時并採莖葉雜黍米釀之至來年九月九日始熟就飲焉故謂之菊花酒阮籍披衣進王戎含笑來

世說曰王戎弱冠詣

阮籍時劉公榮在坐阮謂王曰偶有二斗美酒當與君共飲彼公榮者無預焉二人交觴酬酢公榮遂不得一杯而言語談戲三人無異從今覓仙藥不假向瑤臺

楚辭曰望瑤臺之偃蹇兮

奉報趙王惠酒

梁王修竹園冠蓋風塵喧

西京雜記曰梁孝王好宮室苑囿之樂築兔園九域志曰

梁孝王苑囿中有修竹園西都賦曰冠蓋如雲陸士衡詩曰京洛多風塵行人忽枉道直進

桃花源

陶潛桃花源記曰武陵人捕魚為業忽逢桃花林夾岸林盡水源便得一山山有小口便捨船從口

入土地平曠屋舍儼然男女衣著悉如外人自云釋子

還羞出驚妻倒閉門

史記曰楚懷王釋子子蘭范雲贈張謖詩云還聞釋子說有客欵柴

扉始聞傳上命定是賜中樽

漢書如淳注曰稷米一斗得酒一斗為中尊師古曰

中尊者宜為黍米作酒有洸醇之異為上中下耳又按盛酒器爾雅曰卣中尊也彝卣罍器也禮圖云六尊為

中受五斗是中樽為盛酒器也野罏燃樹葉山杯捧竹根王韶南雍州記曰辛居士

名宣仲家貧春月鬻筍充腸酌截竹為罌用充盛置人問其故宣仲曰我惟愛竹好酒欲令二物常相並耳

風池還更煖寒谷遂成暄風池如風井之類宋玉風賦曰夫風生於地起於青蘋之

末侵淫谿谷盛怒於土囊之口李善注引盛弘之荊州記曰宜都狼山縣有山山下有穴大數尺為風井土囊

當此之類也此云風池亦猶是矣劉向別錄曰燕有谷地美而寒不生五穀鄒衍乃吹律而溫氣至堪植黍今

人謂之黍谷喻已如風池未知稻梁雁何時能報恩說苑

寒谷得此酒而溫暖也
曰齊景公嘗
救粟鬼雁

有喜致醉

此子山生子之辭也某息荀娘豈以此
時舉之耶或即嗣子名立者所未詳矣

忽見庭生玉欣看蚌出珠

晉書謝玄曰芝蘭玉樹欲其
生於庭階耳史記龜策傳曰

明月之珠出於江海藏於蚌
中生玉出珠喻得子也

蘭芬猶載寢蓬箭始懸弧

左氏

傳曰鄭丈公有賤妻曰燕姑夢天使與已蘭曰以是為
而子既而丈公見之與之蘭而御之辭曰妾不才幸而
有子將不信敢徵蘭乎生穆公名之曰蘭詩曰乃生男
子載寢之牀禮記曰子生男子設弧於門左三日始負
子男射射人以桑弧蓬矢六射天地四方鄭注云
桑弧蓬矢本大古也天地四方男子所有事也 既喜

枚都尉能歡陸大夫

漢書曰枚乘為弘農都尉孽子
乘在梁時取臯母為小妻乘東歸

臯母不肯隨乘乘怒分臯數千錢與母居又曰陸賈為
太中大夫有五男乃出使越橐中裝賣千金分其子子

二百金今為生產曰過女女頻朝中散客連日步兵厨
給人馬酒食極欲十日而更
晉書曰嵇康與魏宗室婚拜中散大夫魏氏春秋曰阮
籍以世多故祿仕而已聞步兵校尉缺厨多美酒營人
善釀酒求為校尉遂襍曲隨琴用殘花聽酒須脆梨裁
縱酒昏酣遺落世事
數實甘查惟一株兀然已復醉搖頭歌鳳雛
劉伶酒德
頌曰兀然
而醉豁爾而醒宋書樂志曰鳳將雛歌者舊曲
也應璩百一詩云言是鳳將雛然則其來久矣

喜晴應詔勅自疏韻

御辯誠膺錄維皇稱有建

應禎華林園集詩曰五德更
運膺錄受符李善注云春秋

命歷序曰五德之運同徵合符膺
錄次相代洪範次五曰建用皇極雷澤昔經漁負夏時

從販

史記曰舜耕歷山漁雷澤陶河濱作器於壽丘就時於負夏正義曰括地志云雷夏澤在濮州雷澤

縣郭外西北山海經曰雷澤有雷神龍首人頰鼓其腹則雷也索隱曰尚書大傳販於頓丘就時負夏孟子曰

遷於負夏是也柏梁驂駟馬高陵馳六傳

漢武帝元封三年作柏梁臺詔羣臣二千

石有能為七言詩者乃得上座梁孝王云驂駕駟馬從梁來史記文帝本紀曰代王命宋昌參乘張武等六人乘傳詣長安至高陵休止正義曰括地志云高陵故城在雍州高陵縣西南一里本名橫橋架渭水上有

序屬賓連無私表平憲河堤崩故柳秋水高新堰

廣雅曰堰

潛堰也謂潛築土以壅水也一作竭音竭亦作塢烏古切堰一建切三字義同而音則異也

心齋慙

昏墊樂徹憐胥怨

禮記曰齋之為言齋也心不苟慮必依乎道書曰下民昏墊孔傳曰言天

下民昏瞶墊溺皆因水災周禮曰大傀異哉令去樂凡國之大憂令弛縣商書曰盤庚五遷將治亳殷民咨胥

怨
禪河秉高論法輪開勝辯

水經注曰佛國記云拘那竭城北雙樹間希建禪河

邊世尊於此北首而盤泥洹佛說四十二章經曰世尊於鹿野苑中轉西諦法輪度憍陳如等五人而證道果

維摩經曰三轉法輪於大千其輪本來常清淨
王城水關息洛浦河圖獻

國語曰周

靈王二十二年穀洛闕將毀王宮韋昭注曰穀洛二水名也闕者兩水格有似於闕洛在王城之北東入於瀍至靈王時穀水盛出於王城之西而南流於洛水毀王城西南將及王宮故齊人城郊周易繫辭曰河出圖洛吐書聖人則之春秋緯云河以通乾出天苞洛以流坤吐地符河龍圖發洛龜書感河圖有九篇洛書有六篇孔安國以為河圖則八卦伏泉還習坎埽風已回吳是也洛書則九疇是也

吳音

旋蘇貫切易曰習坎有孚又曰巽為風

桐枝長舊圍蒲節抽新寸

寸音斷爾雅曰

櫨梧郭云今梧桐也又爾雅曰榮桐木郭云即梧桐與上櫨梧一也說文曰榮桐也又曰蒲水草也可以作席

山藪欣藏疾幽棲得無悶

悶音慢莫半切左傳伯宗曰山藪藏疾杜注云山之有林

藪毒害者居之易曰遯世無悶

有慶兆民同論年天子萬

書曰一人有慶兆民賴之

詩江漢云天子萬年箋云臣受恩無可以報謝稱言使君壽考而已樂府遠如期云增壽萬年亦誠哉

同顏大夫初晴

顏大夫顏之儀也北史曰顏之推字介珩那臨沂人也弟之儀字升傳涉羣書好為辭賦江陵平隨例遷長安周明帝以為麟趾學士宣帝即位遷上儀同大將軍御正大夫進爵為公

夕陽含水氣反景照河隄

爾雅曰山西曰夕陽郭注云暮乃見曰說文曰景光也景

即影字日景也古字無多說文曰隄唐也聲都切

濕花飛未遠陰雲斂向低燕

燥還為石龍殘更是泥

羅含湘中記曰零陵有石燕遇風雨則飛舞如燕止則為石淮

南子曰聖人用物若用朱絲約鳥狗若為土龍以求雨

雨雨而成穀故待土香泉酌冷澗小艇釣蓮溪

爾雅曰山夾水

澗疏云謂山間有水者名澗詩云考槃但使心齊物何

愁物不齊

莊子有齊物論又曰萬物一齊孰短孰長

奉和趙王喜雨

玄霓臨日谷封蟻對雲臺

說文曰霓屈虹青赤或白色陰氣也日谷暘谷日所出也

淮南子曰日出暘谷東觀漢記曰永平五年秋京師少雨上御雲臺召沛獻王輔以周易卦林占之其繇曰蟻

封穴戶大雨將至上以問輔輔曰蹇艮下坎上艮為山坎為水山出雲為雨蟻穴居知雨將至故以蟻興投壺欲

起電倚柱稍驚雷

神異經曰東王公與玉女投壺投而不接天為之笑開口流光激華注云

今電是也世說曰夏侯太初嘗倚柱作書時大雨霹靂破柱衣服焦燃神色不變

白沙如濕粉

蓮花類洗杯

荊州記曰白沙如霜雪赤岸若朝霞言雨落沙中有如漬粉垂於荷上又類洗杯也

驚鳥洒翼度濕雁斷行來浮橋七星起高堰六門開

華陽

國志曰兩江有七橋長老傳言李冰造七橋上應七星故世祖謂吳漢曰安軍宜在七星間水經注曰湍水逕

據縣為六門陂漢孝成之世南陽太守郤信成斷湍水立陂西石碣至元始五年更開三門為六石門故號六門陂也溉穰新野昆陽三縣五千餘頃又云昔有晉世杜預繼信臣之業復六門之陂遇六門之水下結二十九陂諸陂散流咸入朝水事見六門碑六門既陂諸陂遂斷

猶言祀蜀帝即似望荆

臺

華陽國志曰蜀人為蜀侯惲立祠其神有靈能興雲致雨水旱禱之此云蜀帝承杜宇開明之稱也荆臺

即高唐賦陽臺是也

厥田終上上原野自莓莓

禹貢曰厥土黃壤田上上賦中下爾

雅云廣平曰原詩傳云郊外曰原左氏傳曰原田莓莓杜預曰若原田之草莓莓然言不惟田成沃壤即荒郊之草俱得生也

和李司錄喜雨

純陽實久亢雲漢乃昭回

易乾卦上九云亢龍有悔詩序云雲漢美宣王也首章云

倬彼雲漢昭回于天箋云雲漢謂天河也昭臨河沉璧

玉夾道畫龍媒

雲漢之詩云圭璧既平寧莫戒聽淮南子注云土龍致雨高誘曰雲從龍故致

雨也法言曰象龍之致雨艱矣哉龍乎龍乎新論劉歆曰致雨具作土龍龍見者輒有風雨起以迎送之故緣其象類而為之漢書曰龍之媒此離光初繞電震氣始

乘雷

易曰離為電鄭康成曰取火明也久明似日暫明似電也又震為雷虞翻曰太陽火得水有聲故為

雷也海童還碣石神女向陽臺

神異經曰西海有神童乘白馬見則天下大水郭璞

江賦曰海童之所巡遊吳都賦曰海童於是燕語索隱史記注云地理志曰碣石山在北平驪城縣西南太康

地理志曰樂浪遂城有碣石山長城所起水經注曰在遼西臨遼縣南水中蓋碣石山有二禹貢夾石碣石入於河當非平北之碣石也宋玉高唐賦曰妾在巫山之陽高丘之岵且為行雲暮為行雨朝朝暮暮陽臺之下又有神女賦即

雲逐魚鱗起渠從龍骨開

淮南子曰水雲魚鱗高誘

巫山神女也

注曰水氣出雲似魚鱗西京雜記曰昆明池刻玉石為魚每至雷雨魚常鳴吼鬣尾皆動漢世祭之祈雨往往

皆驗史記河渠書曰穿渠得龍骨名曰龍骨渠崩沙雜水去卧樹擁槎來

言為驟雨

所漂嘉苗雙合頴熟稻再含胎

孝經援神契曰王者德至則嘉禾生應禎華林

園集詩曰屬此欣膏露逢君攜挾才

君謂李司錄也言李君作此喜雨之

詩也說大愧乏瓊將玖無酬美且偲

詩衛風曰投我以木李報之以瓊玖

毛傳曰瓊玖玉名又詩曰彼留之子貽我佩玖毛傳曰玖石次玉者爾雅曰酬報也齊風盧令之詩曰盧重鋸其人美且偲毛傳曰偲才也說文曰強也愧已和非瓊玖不足酬李君之美才也

郊行值雪

風雲俱慘慘原野共茫茫

爾雅曰慘慘愠也登樓賦曰原野閭其無人兮楚辭曰莽

茫茫之無涯毛萇曰茫茫廣大也

雪花開六出冰珠映九光

韓詩外傳曰草木花

多五出雪花獨六出漢武內傳曰燃九光之燈言雪之明亦猶是矣

還如驅玉馬暫似獵

銀獐陣雲全不動寒山無物香薛君一狐白唐侯兩驢

驢

史記曰田文代立於薛為孟嘗君入秦秦昭王囚孟嘗君欲殺之孟嘗君使人抵昭王幸姬求解幸姬曰

妻願得君狐白裘此時孟嘗君有狐白裘直千金天下
無雙入秦獻之昭王更無他裘孟嘗君患之最下坐有
能為狗盜者夜為狗以入秦宮藏中取所獻狐白裘以
獻秦王幸姬姬為言昭王釋孟嘗君左傳定三年曰唐
成公如楚有兩肅雍馬子常欲之弗與三年止之唐人
竊馬而獻之子常子常歸唐侯賈逵云色如霜純者也
肅如字典音霜既以肅霜
名馬後遂加馬旁作驕驕
與蘇武詩曰
攜手上河梁
寒關日欲暮披雪上河梁
李陵

奉和趙王西京路春日

直城龍首抗橫橋天漢分

三輔黃圖曰長安西出第二門曰直城門又曰日營未央

因龍首以制前殿引渭水灌都以象天漢橫風鳥疑近
橋南渡以法牽牛西京賦云疏龍首以抗殿

日露掌定高雲

郭延生述征記曰長安宮南靈臺有相風鳥遇風乃動按日有三足鳥故云疑

近日也三輔故事曰建章宮承露盤高二十丈大七圍以銅為之上有仙人掌承露和玉屑飲之

新渠

還入渭舊鼎更開汾

漢書武帝紀云穿漕渠通渭又元鼎元年得鼎汾水上

漢獵

熊攀檻秦田雉失羣

續列女傳曰漢馮昭儀者孝元帝之昭儀右將軍光祿勳馮奉世之

女也元帝二年選入後宮始為長使數日為美人生中山孝王為婕妤建昭中上幸虎園格獸後宮皆從熊逸

出園攀檻欲上殿左右格殺熊天子問婕妤人皆驚走而馮婕妤直當熊而立左右格殺熊天子問婕妤人情皆驚懼何

故當熊對曰妾聞猛獸得人而止妾恐至御前故以身當之元帝嗟嘆以此敬重焉傳昭儀等皆惡明年中山

孝王封乃立婕妤為昭儀太康記曰秦文公時陳倉人獵得獸若鼯而不知其名道逢二童子曰此名為攢弗

迷續弗迷亦語曰彼二童子名為寶雞得雄者王得雌者霸陳倉人舍糴弗迷逐二童子化為雄雞止陳倉化

石雌如楚止南陽

宜年動春律御宿斂寒氛

宜年疑即宜春宮也漢書元后傳曰

夏遊御宿郭杜之間三輔黃圖曰御宿苑在長安城南御宿川中漢武帝為離宮別館禁御人不得往來遊觀

止宿其中故曰御宿時值春旦陽氣已動故寒氣斂也

弄玉迎蕭史東方覓細君

列仙傳曰蕭史秦繆

公時人善吹簫穆公有女號弄玉好之公遂以妻焉遂教弄玉作鳳鳴為作鳳臺夫婦止其上一旦皆隨鳳凰去漢

書曰伏日詔賜從官肉太官丞日宴不來東方朔獨拔劍割肉即懷肉去太官奏之上曰先生起自責也朔曰受肉

不賜詔何無禮也拔劍割肉一何壯也割之不多又何廉也歸遺細君又何仁也上笑曰使先生自責乃反自譽復

賜酒一石肉百斤歸遺細君

楊柳成歌曲蒲桃學繡文

楊柳折楊柳也崔豹古今注曰

李延年因胡曲更造新聲二十八解魏晉以來不復具
存世用者黃鶴隴頭出關入關出塞入塞折楊柳黃華
子赤之陽望行人等十曲西京雜記曰
霍光妻遺淳于衍蒲桃錦二十四匹
鳥鳴還獨解花

開先自薰誰知灞陵下猶有故將軍

漢書曰李廣與故
潁陰侯屏居藍田

山中射獵嘗從一騎出從人田間飲還至灞陵尉醉呵
止廣廣曰故將軍尉曰今將軍尚不得夜行何故也

奉和夏日應令

朱簾捲麗日翠幕蔽重陽五月炎蒸氣三時刻漏長

說文

曰漏以銅受水刻節晝夜百刻周禮挈壺氏下士二人
鄭注云挈讀如挈髮之挈壺盛水器也世主挈壺水以
為漏然則挈壺者懸繫之名刻為置箭壺內刻以為節
而浮之水上令水漏而刻下以記晝夜昏明之度數也

續漢書曰孔壺為漏浮箭為刻下漏數刻以考
中星云三時刻漏長者時維夏日夜短晝長也
麥隨風

裏熟梅逐雨中黃

月令曰孟夏之月農乃登麥夫子乃
以姦嘗麥先薦寢廟風景風也淮南

子曰清明風至四十五日景風至蓋謂五月夏至之時
故仲夏稱為麥秋矣風俗通曰夏至霖霪至前為黃梅
先時為迎梅雨及時為梅雨後之為
送梅雨二語皆為五月夏至之節也
開冰帶井水和粉

雜生香衫含蕉葉氣扇動竹花涼早菱生軟角初蓮開

細房

爾雅曰菱蕨據郭云菱今水中菱疏云菱一名蕨
據字林云楚人名菱曰菱可食國語曰屈到嗜菱

俗云菱角是也又爾雅云薢茳郭云或曰菱也關西謂
之薢茳說文云薢楚曰菱秦曰薢茳楚辭曰芙蓉始發
雜菱荷王逸云菱菱也秦人謂之薢茳矣爾雅曰荷芙
萼其實蓮郭云蓮謂房也按菱與蓮至夏末始實今五

月時菱角尚軟蓮房猶細故曰早菱初蓮矣
願陪仙鶴舉洛浦聽笙簧
列仙傳曰

王子喬周靈王太子晉也好吹笙作鳳鳴遊伊洛間道士浮丘公接上嵩山二十餘年後來於山上告桓良曰告我家七月七日待我於緱氏山頭果乘白鶴駐山顙望之不得到舉手謝時人而去

和樂儀同苦熱

樂儀同樂遜也北史儒林傳曰樂遜字遵賢河東猗氏人也大統六年與諸儒分經教授經業講孝經論語毛詩及服虔所注大象初進爵崇業郡公又為露門博士二年進位開府儀同大將軍以老病賜安車衣服奴婢等於本郡賜田十頃儒者以為榮隋開皇元年卒年八十二樂儀同有苦熱之作子山和之

火井沉熒散炎洲高燄通

左太沖蜀都賦曰火井沉熒於幽泉高燄飛扇於天垂劉

淵林注曰蜀郡有火井在臨邛縣西南欲出其火先以家火投之須臾許隆隆如雷聲燄出通天光輝十里以甯盛之接其光而無炭也東方朔十洲記曰炎洲在南海中地方二千里去北岸九萬里上有風生獸青色大如狸張網取之積薪數車以燒之薪盡而獸不然以石上葛蒲塞其鼻即死又有火林山山中有火光獸大如鼠毛長三四寸或赤或白山可三百里許晦夜即見此山林乃是此獸光照林如火光相似取其獸毛以緝為布時人號為火浣布此**鞭石未成雨鳴鳶不起風**虞喜是也言炎夏熱如火矣

志林

曰夷陵有陰陽石陰石常潤陽石常燥旱則鞭陰石必雨久雨鞭陽石則止曲禮曰前有塵埃則戴鳴鳶鄭注曰烏鳶鳴則將風正義曰鳶今時鵠也鵠鳴則風生風生則塵起故畫鵠於旌首而戴之也言久熱思風雨也

思為鸞翼扇願借明光宮

陸機芙蓉詩云夏搖比翼扇傳教扇銘曰夏則鳳舉鸞鳳

通稱故云漢書曰成都侯王商欲避暑從上借明光宮

臨淄迎子禮中散就安豐

魏志曰陳思王植字子建建安十九年封臨淄侯魏畧云邯鄲淳字子淑注見三卷上趙王後漢書列女傳注會稽典錄云邯鄲淳字子禮知邯鄲淳又一字子禮也嵇康魏時拜中散大夫王戎封安豐侯皆竹林之友也

見晉書

美酒含蘭氣甘瓜開蜜筒

漢書曰百末旨酒布蘭生晉灼曰布列芬芳若

蘭之生筒當作筒蜜筒瓜名陸機瓜賦曰其種族類則有括樓定桃黃瓠白傳金文蜜筒小青大班玄肝素椀狸首虎蟠說文曰筒斷竹也徒紅切筒通簫也徒弄切蜜筒者其甘如蜜形如斷竹故取義焉又筒平聲筒去聲知其當

寂寥人事屏還得隱牆東

後漢書曰平原王君公遭亂儉

牛自隱時人為之語
曰避世牆東王君公

和裴儀同秋日

裴儀同裴政也北史曰裴政字德表河東聞喜人也祖遜父之禮南史並有傳政幼聰明博聞強記達於從政為當世所稱仕梁以軍功封為夷陵侯給事黃門郎江陵平周文聞其忠授員外散騎侍郎引入相府命與盧辯依周禮建六官并撰次朝儀車服器用多遵古禮革漢魏之法事並施行授刑部下大夫轉少司憲隋開皇元年上儀同三司裴儀同有秋日詩大抵詠懷之作予山和之各述其羈旅之情也

蕭條依白社寂寞似東臯

此子山自喻也曹子建詩曰中野何蕭條晉書曰董京常

宿白社中時乞於市寂寞閒靜也楚辭曰野寂寞兮無人阮籍奏記曰將耕東臯之陽秋興賦曰耕東臯之沃壤是

學異南宮敬貧同北郭騷

左傳昭七年曰孟僖子病不能相禮及其將死

也召其大夫曰我若獲沒必屬說與何忌於夫子使事之而學禮焉以定其位故孟懿子南宮敬叔師事仲尼晏子春秋曰齊有北郭騷者結果網捆蒲葦織屨以養其母猶不足踵門見晏子曰竊說先生之義願乞所以養母者晏子使人分倉廩府金而遺之辭金而受粟有間晏子見疑於景公出奔北郭子召其友而告之曰及親者身仇其難今晏子見疑吾將以身死白之遂造公庭求復者曰晏子天下之賢者也今去齊國齊國必侵矣方必先國之侵也不若死請以頭託白晏子遂巡而退因自殺也公聞之大駭乘馳而自追晏子及至國郊請而反之晏子聞北郭騷之以死白已也太息而嘆曰嬰不肖罪過固其所也而士出身以明之哀哉亦見

劉向說苑按信父肩吾奔赴江陵未幾而卒攜母入關
蒸蒸色養自喻父死之後學異南宮有母在堂貧同北
郭蒙更觀秋水萊妻紡落毛莊子有秋水篇史記曰莊
子者蒙人也名周嘗為蒙

漆園吏高士傳曰萊子楚人也當時世亂逃世於蒙山
之陽荒萌為牆蓬蒿為室枝木為牀著艾為席飲水食
菽壅山播種人或言於楚王王於是駕至萊子之門萊
子方織畚王曰守國之政願煩先生萊子許之其妻樵
還曰妾聞之可食以酒肉者可隨而鞭撻可擬以官祿
者可隨而銖鉞妾不能為人所制者妻投其畚而走老
萊子亦隨其妻至於江南而止曰鳥獸之毛可績而衣
其遺粒足食也仲尼嘗聞其論而覺然改容焉喻已與
其妻皆有隱居之志也小園賦云蓬頭王霸之子稚
髻梁鴻之妻即此意也時子山老幼皆在長安矣

人嗟歲暮田家厭作勞

杜預左傳注曰旅客也不得歸
故嗟歲暮也楊惲報孫會宗書

旅

曰田家作苦歲時伏臘
烹羊庖羔斗酒自勞

霜天林木燥秋氣風雲高

張協
七命

曰風高送秋曾植秋思
賦曰雲高氣靜露凝衣

栖皇終不定方欲涕沾袍

詠園花

暫住春園傍聊過看果行枝繁類金谷花雜映河陽

水經

注曰金谷水出河南太白原東南流歷金谷謂之金谷
水經石崇故居石季倫思歸引序云河陽別業晉書曰
潘岳為河陽令

滿縣皆栽桃花

自紅無假染真白不須粧

言花有自然之色不須粧

染也崔豹古今注曰燕支花非燕支所染自為
紅藍爾舊謂赤白之間為紅今所謂紅藍也

燕送歸

菱井蜂銜上窠房

言此花燕送歸巢在於梁上蜂銜作
窠乃上窠中也燕玄鳥也菱井若藻

井也西京賦曰帶倒茄於藻井薛綜注云藻井當棟中交木方為之如井幹也善云風俗通曰今殿作天井井者東井之象也菱水中之物皆所以厭火也蜀都賦曰蜜房郁毓被其阜翰曰蜜房蜜窠房也

非是金

爐氣何關柏殿香

言花有自然香氣也司馬相如美人賦曰金爐薰香三輔舊事曰柏梁以

香柏為梁也

裛衣偏定好應持奉魏王

文字集畧曰裛衣香也魏王魏文帝也

王子年拾遺記曰魏文帝所愛美人薛靈芸名曰夜來妙於鍼工裁製立成非夜來縫製帝則不服宮中號為鍼神言美人以此花香裛衣是以魏王定好也

西門豹廟

史記滑稽傳曰戰國魏文侯時西門豹為鄴令豹往到鄴會長老問民所疾苦長老曰苦為河

伯娶婦豹約諸三老曰為河伯娶婦幸來告語
吾欲送女皆曰諾至時三老廷掾賦斂百姓取
錢百萬五現行里中有好女者咒當為河伯婦
以錢三萬聘女沐浴脂粉如嫁狀豹往會之三
老五掾與民咸集赴觀五嫗年七十從十四弟
子豹呼婦視之以為非妙令五嫗入告河伯投
巫於河中項曰何久也又令三弟子及三老
入白並投於河豹罄折曰三老不來奈何復欲
使廷掾豪長趣之皆叩頭流血乞不為河伯娶
婦淫祀遂斷西門豹即發民鑿十二渠引河水
灌民田田皆自溉名聞天下澤流後世水經注
曰漳水東北逕西門豹祠前祠東側有碑隱起
為字祠堂東頭石柱勒
銘曰趙建武中所修也

君子為利博達人樹德深蘋藻由斯薦樵蘇幸未侵

西言

門豹決渠溉田其利斯溥又能斷茲淫祀是為達人故
祠祭至今不絕也左氏傳曰蘋蘩藟藻之菜可薦於鬼
神杜預曰蘋大萍也蘊藻聚藻也爾雅釋草云萍萍其
大者蘋郭璞曰水中浮萍江東謂之藻陸機毛詩義疏
云今水上浮萍是也季春始生可糝蒸為茹又可苦酒
淹以就酒許慎說文云藻水草陸機疏云生水底有二
種其一種葉如雞蘇莖大著長四五尺其一種莖大釵
股葉如蓬謂之聚藻煮熟按去腥氣米麴糝蒸嘉美揚
州人饑荒可以當穀食鄭康成注庖人云備品物曰薦
史記淮陰侯傳曰熬蘇後龔注云漢書音義曰熬取薪
也蘇取草也言後人念其功德不
敢熬蘇於其上故廟貌常新也

恭聞正臣

一作直

祀良

識佩韋心

正臣謂豹也韓子曰西門豹性急佩韋
以自緩董安於性緩佩弦以自急也

容範

雖年代徽猷若可尋菊花隨酒馥槐影向牕臨

西京雜記曰九

月九日飲菊花酒說文曰馥香氣芬馥也聲房六切爾雅曰榉槐大葉而黑守宮槐葉畫聶宵炕郭云槐樹葉大色黑者名為守宮槐聶音軌炕吁郎切張也鶴飛疑逐舞布者名為守宮槐聶音軌炕吁郎切張也

魚驚似聽琴

王逸楚辭注曰師曠鼓琴天下玄鶴皆銜明月之珠以舞也韓詩外傳曰昔伯牙鼓

琴而淵魚出聽言廟中飛鶴似逐舞而來遊魚若聽琴而出象生時也

漳流鳴磴石銅雀

影秋林

史記河渠書曰西門豹引漳水溉鄴括地志曰漳水一名濁漳水源出潞州長子縣西力黃山

漢書地理志曰濁漳水出長子鹿谷山東至鄴入清漳水經注曰魏武王塢漳水迴流東注號天井堰里中作十二堰堰相去三百步令互相灌注一源分為十二流皆懸水門左思魏都賦謂塢流十二同源異口者也魏志曰建平十五年冬作銅雀臺水經注曰魏武以郡國之舊引漳流自城西東入邈銅雀臺下伏流入城東注

謂之長明溝溝水南北夾道枝流引灌所在通
溉故魏武登臺賦曰引長明灌街里謂此渠也

和王少保遙傷周處士

周處士者梁故處士周弘讓也南史曰弘讓性
簡素博學多通始仕不得志隱於句容之茅山
頻徵不出晚仕侯景為中書侍郎人問其故對
曰昔道正直得以禮進退今乾以易位不至將
害於人吾畏死耳獲譏於代承聖初為國子祭
酒至仁威將軍城句容以居之命曰仁威壘按
讓既仕侯景又仕梁元不得復稱處士所以云
者信為金陵舊臣讓本句容處士得稱其故子
山之志也少保王褒也周書王褒傳曰東宮既
建授太子少保褒與梁處士周弘讓相善及弘
讓兄弘正自陳來聘高祖許褒等通親知音問
褒贈弘讓詩并致書弘讓亦復書焉周處士卒

於陳信與褒在周
作詩遙傷之也

冥漠爾遊岱淒涼余向秦雖言異生死同是不歸人

泰岱

山也博物志曰泰山有天孫主招魂遊岱者言其死也
信聘西魏身留長安是為向秦言已與周處士一死一

生同是不歸之人也昔余仕冠蓋值子遊風塵

言已仕梁時正弘
讓隱居茅山之日

也西都賦曰冠蓋如雲陸士衡
詩曰京洛多風塵素衣化為緇

望氣求真隱伺關待逸

民列異傳曰老子西遊關令尹喜望見其紫氣浮關而
老子果乘青牛而過史記曰老子見周之衰遂去至

關關令尹喜曰子將隱矣彊為我著書
於是老子乃著書上下篇言道德之意忽聞泉石友芝

桂不防身

傷弘讓之死也泉石喻隱者也謝宣城別傳
曰眺常有言烟霞泉石惟隱遯者得之宜遊

而癖此者鮮矣芝桂不防身者言悵然張仲蔚悲哉鄭

子真

三輔法錄注曰張仲蔚扶風人也與同郡魏景卿

偁身自保咸帝時元舅大將軍王鳳以禮聘子真

猶有鶴五柳更應春

漢書曰蓬萊方丈瀛洲此三神山

著五柳先生傳以自況云

遂令從渭水投弔往江濱

史記

曰自屈原沉汨羅後百有餘年漢有賈生為長沙王太

傳過湘水投書以弔屈原渭水言已在長安江濱言讓

傷王司徒褒

周書曰王褒字子淵瑯琊臨沂人也初仕梁元帝出降褒與衆俱出後至長安太祖喜之甚荷恩盼忘其羈旅焉周世宗即位篤好文學時褒與庾信才名最高特加親待授太子少保遷小司空出為宜州刺史卒於位時年六十四信傷之故作是詩

昔聞王子晉輕舉逐神仙

王氏本周靈王太子晉之後汲冢周書曰靈王太子晉幼

有盛德聰明博達師曠與言弗能尚也晉年十五顧而問曰吾聞太師能知人年之短長也師曠對曰汝色白汝聲清汗火色不壽晉曰然吾後三年時上賓於帝女慎無言殃將及女其後二年而太子死孔子聞之曰惜夫殺吾君也世人以其豫自去期故傳稱王子喬仙仙之後其嗣避周難於晉家於平陽王氏田氏其後子孫世喜養性神仙之術潛夫論風俗通亦云是矣王氏又一源出於齊王法章是為陳田之後本媯姓與此為異

也謂言君積善還得嗣前賢

君謂王褒也言褒為子晉後裔又能積善宜得神仙

度世之術也易曰積善之家必有余慶

四海皆流寓非為獨播遷

北史庾信傳曰

陳氏與周通好南北流寓之士各許還其本國惟信及

離家始為播遷也又按梁已禪陳信褒即

豈意中台圻

君當風燭前

晉陽秋曰張華將死中台星圻大元中復還今正太傅謝安為相所致也淮南子曰

人生於世倏爾而止如風火之燭

自君鐘鼎族江東三百年

古王之先也王氏之

族一出太原一出瑯琊褒為瑯琊臨沂人蓋瑯琊王氏族也按王褒先世見於晉宋齊梁諸書南北史本傳所

載自漢諫議大夫吉之後至晉太保王祥祥弟覽覽生六子長子裁晉撫軍長史裁子導晉丞相謚曰文獻導

六子其第二子洽晉中領軍洽子珣晉司徒珣子弘宋
太保弘弟曇首宋光祿大夫豫寧文侯曇首子僧綽宋
吏部尚書贈金紫光祿大夫謚曰愍侯僧綽子儉齊侍
中南昌大憲公儉子騫梁侍中金紫光祿大夫南昌安
侯騫子規梁侍中左民尚書南昌章侯規即瓌父也並
有盛名於江左晉書曰初呂虔有佩刀不相之以為必
登三公可服此刀虔謂祥曰苟非其人刀或為害卿有
公輔之量故以相與祥固辭強之乃受祥臨薨以刀授
覽曰汝後必興足稱此刀覽後奕世多賢才興於江左
矣張衡西京賦曰擊鐘鼎食郭璞曰江表偏王三百年
還與中國合江東謂南朝也自東晉至宋齊
梁王業幾三百年而王氏之族冠蓋極盛也

載琬戈本舊傳

寶刀謂王祥佩刀也祥以與弟奕世傳
之代為公卿是世戴也注見上文穀梁

傳曰孟勞者魯之寶刀也王制曰諸侯賜弓矢然後專
征伐按晉書王導平王敦輔幼主加羽葆鼓吹班劍二

欽定四庫全書

卷四

十人詔加大司馬假黃金出討石勒石季龍是其征伐之事如古彤弓之賜矣說文曰琕治玉也一曰石似玉聲都綠紱紱梲綬黃金飾侍蟬漢書曰相國丞相皆秦

察切綠綬徐廣曰金印綠綬綬音庚革名也以染似綠又云似紫紫綬名緇緇音灰其色青紫綬字亦作藍音同也後漢書輿服志曰古者君臣佩玉尊卑有度上有黻貴賤有殊佩所以章德服之衷也黻所以執事禮之共也三代同之五伯迭興戰爭不息於是解去黻佩留其係璚以為章表秦乃以采組連結於璚光明章表轉相結綬故謂之綬注云徐廣曰黻如中蔽膝也周官曰三槐三公位焉槐綬謂三公之綬也綠紱紱梲綬者王尊為晉丞相也後漢書輿服志曰侍中中常侍加黃金璚附蟬為文貂尾為飾謂之趙惠文冠侍蟬謂侍中之冠飾以蟬也黃金飾侍蟬者謂王地建忠臣國家開孝儉儉子騫騫子規皆為侍中也

子泉

言王氏世以忠孝相傳也建國如豫寧南昌之屬皆王氏封域也注見上大家問孝子泉疑引王祥

卧水事見晉書及搜神記後漢書曰姜詩事母至孝妻奉順尤篤母好江水嗜魚鱸舍側忽有湧泉味如江水

每旦輒出雙鯉魚焉

自能枯木潤足得流水圓

荀子曰玉在山而木潤尸子曰凡水

其圓折者有珠

以君承祖武諸侯無間然

謂褒襲南昌侯之青爵人無間言也

衿已對日童子即論天

言褒幼而聰敏也後漢書曰黃琬字公琰少失父母而辯慧祖

父瓊育之瓊初為魏郡太守建和元年正月日蝕京師不見而瓊以狀聞梁太后詔問所食多少瓊思其對而

未知所出琬年七歲在傍曰何不言曰蝕之餘如月之初瓊大驚即以其對應詔晉書曰明帝幼而聰哲為元

帝所寵異年數歲嘗坐置膝前屬長安使來因問帝曰汝謂日與長安孰速對曰長安近不聞人從日邊來居

然可知也元帝異之明日宴羣僚又問之對曰日近元
帝失色曰何乃異問者之言乎曰舉頭見日不見長安
由是益奇之博物志曰孔子東遊見二小兒曰日初出
時大如車蓋及日中時如盤盂此不為高遠者小而近
者大乎一小兒曰日初出滄滄涼涼及其中而探湯此
不為近者熱而遠者涼乎孔子不能決謂兩小兒曰孰
謂汝多知乎

賴陰珠玉麗河陽脂粉研

言褒尚公主也
褒本傳云梁武

帝喜其才藝遂以弟鄱陽王恢之女妻之後漢書曰順

帝女堅七年封賴陰長公主郡國志曰賴陰縣屬潁川

郡漢書外戚傳曰趙皇后少壯屬河陽主家學歌舞號

曰飛燕帝微行過主見而說之褒所尚王女也以梁武

愛褒之才妻以其弟鄱陽王女名高六國共價重十城

若帝女也故借引公主之事矣

連

史記曰蘇秦佩六國相印又曰辯足觀秋水文堪題
秦王欲以十五城易趙和氏璧

馬鞭

莊子有秋水篇陸剡鄴中記曰魏文帝云余從上拜墳墓遵渭水徜徉乎高樹下駐馬書鞭為臨濁

賦題都年切說

迴鸞抱書字別鶴繞琴弦

索靖草書狀曰蓋草書之

為狀也婉若銀鈎漂若鸞翼未發若舉若安蔡邕琴操曰商陵牧子娶妻五年無子父兄欲為改娶牧子援琴鼓之歌別鶴以舒其憤懣故曰別鶴操

擁旄裁甸服垂帷非被邊

爾雅曰旄

謂之龍郭注云旄牛尾也又釋旌旂云注旄首曰旌郭云載尾於竿頭如今之幢亦有旒疏云李巡曰旄牛尾著竿首孫炎曰折五采羽注旌上也其上亦有旒繆禹貢曰五百里甸服孔安國傳曰規方千里之內謂之甸服為天子服治田去王城面五百里周語文王制亦云千里之內曰甸鄭康成云服治田出穀稅也言甸者主治田故服名甸也甸田遍反說文曰在旁曰帷後漢書曰賈琮為冀州刺史車垂赤帷而行及至州自言曰刺

史當遠視廣聽何反垂帷於車以自掩蔽乃命御者塞去其帷擁旂裁甸服者按元帝紀自侯景之難州郡大半入魏自已陵至建康緣以長江為限荆州界武寧西拒峽口自嶺以南復為蕭勃所據文軌所同千里而近人籍戶口不盈三萬中興之盛盡於此矣言梁地侵削旌旄所擁裁及甸服之地也垂帷非被邊者按褒仕元帝時為尚書左僕射在於江陵非邊遠之靜亭空繫馬地帝性猜忌褒在左右不足舒其所長也

閒峰直起煙

言魏師之至也後漢書光武紀曰築亭候舉烽燧注云亭候伺候望敵之所前書曰

秦法十里一亭亭有長漢因之不改前書音義曰邊方備警急作高土臺臺上作桔臯桔臯頭有甕零以薪草置其中常低之有寇即燃火舉之以相告曰烽又多積薪寇至即燔之望其煙曰燧晝則舉烽夜乃舉燧廣雅曰甕零甕也梁與西魏久無兵革之事故曰靜亭閑烽靜亭空繫馬者言其不備不虞也閒烽直起煙者言魏

師忽至舉烽相告也**不廢披書案無妨坐釣船**言江陵亡後褒卒仕於周也按元帝

紀魏人燒柵王褒勸帝出降遂使皇太子王褒出質諸降左僕射王褒以下並為俘以歸長安不廢披書案者

言褒文士不嫻武畧也無妨坐釣船者按史記呂尚以漁釣奸周西伯魏相安定公周之太祖如古西伯吳王

褒之坐釣船度**茂陵忽多病淮陽實未痊**言褒之疾病也漢書司馬

相如傳曰相如既病免家居茂陵又汲黯傳曰黯多病且滿三月上常賜告者數不瘳後以諸侯相秩居淮陽

十歲而卒**侍醫逾默默神理遂綿綿**漢書藝文志曰侍醫李柱國校方技注醫學書

也世說戴公見林法師墓曰**永別張平子長埋王仲宣**

神理綿綿不與氣運俱盡耳後漢書曰張衡字平子南陽西郡人也年六十二永和四年卒著周官訓詁所著詩賦銘七言靈應間七辯巡

詰懸圖凡三十三篇崔瑗撰平子曰數術窮天地制作倖造化稱衡弔張衡文云余今反國命駕言歸路由西郭道弔平子魏志曰王粲字仲宣山陽高平人也善屬文舉筆便成無所改定時人常以為宿構著詩賦論議垂六十篇建安二十一年從征吳二十二年春道病卒時年四十一曹子建王仲宣誄曰建安二十一年正月二十

四日戊申魏故侍中關內侯王君卒言褒之文學如二公也

柏谷移松樹陽陵買墓

田

晉書曰王濬葬柏谷山漢書李廣傳曰李慕以丞相詔賜冢地陽陵當得二十畝

陝路秋風

起寒堂已颯焉

說文曰颯翔風也聲蘇合切

丘楊一搖落山火即時

然

本草曰白楊北土極多人種墟墓間樹大皮白山火鬼火也說文曰然燒也

昔為人所羨

今為人所憐

漢成帝時歌謠曰桂樹華不實黃爵巢其顛昔為人所羨今為人所憐

世途

旦復旦人情玄又玄

說文曰旦明也老子曰玄之又玄衆妙之門

故人傷此

別留恨滿秦川

離頭歌有遙望秦川肝腸斷絕之句庾信王褒皆南人羈士生離之後繼以死

別故多留恨矣

定名於此定全德以斯全

世途旦復且至全德以斯全言世代既已

移易人情總歸玄虛似此生死之際思及平生若使定名者名亦於此而定矣全德者德且以斯而全矣微意以爲我兩人於進退之間其名辱

惟有山陽笛懷余思

舊篇

向秀思舊賦序曰余與嵇康呂安舍止接近其人並有不羈之才其後各以事見法余逝將西邁經

其舊廬於時日薄虞淵寒冰淒然鄰人有吹笛者發聲寥亮追思曩昔遊宴之好感音而歎故作賦云其辭曰經山陽之舊居信因此作思舊銘故云漢書地理志云河內郡有山陽縣

仰和何僕射還宅懷故

紫閣旦朝罷中臺夕奏稀

晉書曰漢書尚書為中臺

無復千金笑徒

勞五日歸

鮑照詩曰千金顧笑買芳年漢書萬石君傳曰每五日洗沐歸謁親大穎曰郎官五日一

下又張安世傳曰休沐未嘗出

步簷朝未掃蘭房畫掩扉

宋玉諷賦曰乃更於蘭房

之苔生理曲處網積迴丈機

張景陽雜詩曰房櫳無行跡庭草萋以綠青苔依空

牆蜘蛛網四屋感物多所懷沉憂結心曲李善注云淮南子曰窮谷之洿生以蒼苔說文曰鼃鼃也魏文帝

詩曰蜘蛛繞戶牖野草當階生論衡曰蜘蛛結絲以網飛蟲人之用計安能過也晉書戴記曰寶韞妻蘇若蘭

織錦端中作迴文詩以贈之

故瑟餘絃斷歌梁秋雁飛

韓娥去齊餘響繞梁三日

歌曰故曰朝雲雖可望夜帳定難依宋玉高唐賦云故為立廟號曰朝雲願憑

甘露入方假慧燈輝瑞應圖曰露色濃者為甘露寧知洛城晚還淚

獨沾衣

傷已獨不能還也本傳拜洛州刺史故云洛城

送靈法師葬

從英華作靈一作吳法師

龍泉今日掩石洞即時封玉匣摧談柄懸河落辯鋒呂氏

春秋曰舍珠鱗施令葬皆用之注云舍珠口實鱗施玉匣於死者之體如魚鱗西京雜記曰漢帝送死皆珠

襦玉匣世說云郭子玄辯若懸河香爐猶是柏塵尾更成松松柏墓上樹也故世

說稱張湛好於齋前種松柏時人謂張屋下陳屍今云法師墓上柏似香爐松如塵尾若平生時也世說云王

長史病篤寢卧燈下轉塵尾視之嘆曰如此人曾不得四十及亡劉尹臨殯以長柄塵尾著柩中因慟絕郭

門未十里山迴已數重尚聞香閣梵猶聽竹林鐘送客

風塵擁寒郊霜露濃性靈如不滅神理定何從

隋書經籍志稱

佛經所說云人世雖有生死之異至于精神則恒不滅此身之前則經無量身矣積而修習精神清淨深見佛性以成至道神理注見上篇傷王司徒褒

和春日晚景宴昆明池

西京雜記曰武帝作昆明池欲伐昆明彝教習水戰因而于上游戲養魚魚給諸陵廟祭祀餘付長安市賣之周迴四十里三輔黃圖曰甘泉宮南有昆明池

春餘

一作餘春

足光景趙李舊經過

漢書谷永傳曰咸帝數

微賤專寵又阮籍詩曰平生少年時輕薄好絃歌西遊

咸陽中趙李相經過蓋指是事顏延年注云趙漢成帝

趙飛燕李漢武帝李夫人也

上林柳腰細新豐酒徑多

上林苑名西京雜記曰太

上皇徙長安居深宮懷愴不樂高祖竊因左右問其故以平生所好皆屠販少年酤酒賣餅鬪雞蹴鞠以此為

小船行釣鯉新盤

待摘荷蘭臯徒稅駕何處有陵波

曹植洛神賦曰爾乃稅駕於蘭臯又云陵

波微步羅襪生塵

對宴齊使

周書武帝紀曰天和四年夏齊遣使來聘

歸軒下賓館送蓋出河堤酒正離杯促歌工別曲悽周

有酒正之官杜預左林寒木皮厚沙迴雁飛低漢書鼃

傳注曰工樂師也

林寒木皮厚沙迴雁飛低

錯曰夫

育貉之地積陰之處也木皮三寸其性耐寒崔豹古今注曰雁自河北渡江南瘦瘠能高飛不畏鵠鵠江南沃饒每至還河體肥不能高飛按子山昔在梁時聘於東魏文章辭令甚為鄴下所稱北齊本東魏所禪遣使聘周子山對宴齊使自傷顏之厚矣有故人儻相訪知余如木皮又似鍛翮之雁不能高飛也

故人儻相訪知余

已執珪

史記曰莊烏故越之細鄙人也為楚執珪病而猶尚越聲漢書曹叅傳曰據秦司馬及御史各

一人選為執珪如淳曰呂氏春秋得五員者號執珪古爵也子山鄉關之思屢動越吟聘魏仕周有如秦據言

齊地舊相識者僕或問余知
余今已執珪矣蓋自慙語也

聘齊秋晚館中飲酒

天和四年夏齊遣使來聘
遣子山報聘當在秋矣

欣茲河朔飲對此洛陽才

後漢書曰袁紹公孫瓚相擊
天子遣太僕趙岐和解關東

使各罷兵瓚因此以書譬袁紹於是引軍南還三月上
已大會賓徒於薄落津按河北青兗冀諸州瓚紹所據

故稱河朔飲也魏志云沮授說紹曰將軍據冀州之衆
威震河朔史記曰賈生名誼洛陽人也潘岳西征賦云

賈生洛陽之才子按東魏本從洛遷都鄴地
齊受魏禪故於齊之諸臣稱為洛陽才也殘秋欲屏

扇餘菊尚浮杯

班婕妤好咏執扇詩云常恐秋節至涼風
奪炎熱捐棄篋笥中恩情中道絕西京

雜記曰九月九日飲菊花酒令人長壽菊花舒時并採
莖葉雜黍米釀之至來年九月九日始熟就飲焉故謂

之菊花酒按此二語聘齊漳流鳴二水日色下三臺史記

當在秋深矣屏必郢切河渠書曰西門豹引漳水溉鄴以富魏之河內正義曰

括地志云漳水一名濁漳水源出潞州長子縣西力黃山漢書地理志曰濁漳水出長子谷鹿山東至鄴入清

漳此言二水蓋謂濁漳清漳也鄴中志曰魏武帝於漳水立三臺中名銅雀南名金虎北名無因侍清夜同此

冰井左思賦曰列三臺以崢嶸是也

月徘徊曹子建公宴詩奉和濬池初成清晨臨汎王褒集有玄圃

千金高堰合百頃浚源開楊佺期洛陽記曰千金堰在洛陽城西去城三十五里堰

有穀水鳩沈休丈湖中雁詩云高出千金壘周易曰井
澤不食鄭康成云謂已浚澤也浚源謂濬池也百畝為
頃百頃謂池有翻逢積翠一作草浪更識昆明灰高僧傳曰昔漢

武帝穿昆明池底得黑灰問東方朔朔曰可問西域梵
人後竺法蘭既至衆人追問之蘭云世界終盡劫火洞

燒此灰是也猿嘯風還急雞鳴潮即來神異經曰沃淑
山有玉雞玉雞

鳴則金雞鳴金雞鳴則石雞鳴石雞鳴則天下之雞悉
鳴潮水應之矣述異記曰伺潮雞潮水上則鳴孫綽望

海賦云石雞清響而應潮是也時看青雀舫遙逐桂舟迴穆天子傳曰
天子乘鳧舟

郭注云舟為鳧形今之青雀舫即
其遺象也楚辭沛吾乘兮桂舟

和靈法師遊昆明池二首

靈法師
一作是

漢書武帝紀曰元狩三年穿昆明池方三百里漢使南夷傳有越雋昆明國有滇池方三百里漢使求身毒國而為昆明所閉欲伐之故作昆明池象之以習水戰在長安西南周迴四十里上篇送靈法師葬當在後此篇和靈法師詩當在前知成集之日其叙題錯落多不詮次類是矣

遊客重相歡連鑣出上蘭

顏說文曰鑣馬銜也聲補矯切顏師古漢書注曰上蘭觀名

在上值泉傾蓋飲逢花駐馬看

孔叢子曰程生反自郢遺孔子於途傾蓋而顧

相語終日甚相親也

平湖汎玉軸高堰歇金鞍

郭璞方言注曰今江東人呼柁為軸

張華詩云青蓋被金鞍

半道聞荷氣中流覺水寒

秋光麗晚天鷓鴣汎中川

漢書音義曰鷓鴣水鳥也畫其象於船首方言曰南楚江湖

之大謂之絢

密菱障浴鳥高荷沒釣船碎珠縈斷菊殘絲繞

折蓮落花摧斗

一作十

酒栖鳥送一絃

曹子建名都篇曰美酒斗十千古樂

府有烏栖曲高士傳曰孫登彈一絃琴

見遊春人

長安有狹邪金穴盛豪華

樂府長安有狹邪行曰長安有狹邪狹邪不容車後漢書

光武郭皇后傳曰郭況運大鴻臚帝數幸其第會公卿諸侯親家燕賞賜金錢纁帛豐盛莫比京師號況家為

金連盃勸上馬亂果擲行車

晉書曰潘岳美姿儀少時常挾彈出洛陽道婦人遇

之者皆連手縈繞投之以鳳蓮滿車而歸深紅蓮子豔細錦鳳凰花那能學

喫酒無處似藥已

神仙傳曰藥已為尚書正朝大會已獨後到又飲酒西南喫之有司奏已

不敬詔問已已頓首謝曰臣本縣成都市失火臣故因酒為雨以滅火詔即以驛書問成都成都答言正旦大失火食時有雨從東北來火乃息雨皆酒臭後忽一日大風天霧晦暝對坐皆不相見失已所在問之其日還成都與親反別也

別周尚書

一作處弘正

南史云周弘正字思行汝南安成人也元帝時為左戶尚書魏平江陵弘正遯歸建業太平元年為都官尚書陳武帝授太子詹事天嘉元年遷侍中國子祭酒往長安迎宣帝三年自周還廢帝嗣位領都官尚書總知五禮事宣帝太建二年授尚書右僕射按陳武帝天嘉元年周明

帝之武成二年也天嘉三年周武帝之保定二年也弘正以周武成二年至長安保定二年還

陳故贈別云一作虞士知其非者按虞士乃弘正之弟周弘讓非弘正也知其誤矣

扶風石橋

一作天柱

北函谷故關前此中一分手相逢知幾

年

漢書地理志曰右扶風故秦內史武帝建元六年分為右內史太初元年更名主爵都尉為右扶風又云

右扶風渭城故咸陽蘇林曰渭橋在長安三里跨渭水為橋函谷谷名因谷以名關舊在弘農湖城縣漢書楊

僕為樓船將軍恥居關外武帝乃為徙於新安故關弘農湖城之關也地理志云弘農故秦函谷關衙山嶺下

谷是也言弘正在周將欲南黃鵠一反顧徘徊一作應還已在長安之地別故人也

愴然自知悲不已徒勞減瑟絃

晉書樂志淮南王篇云顧為雙黃鵠還故鄉還

故鄉入故里徘徊故鄉苦身不已繁歌奇舞無不恭徘徊桑梓遊天外傷已不能歸故鄉也漢書郊祀志曰泰帝使素女鼓五十絃瑟悲帝禁不止故破其瑟為二十五絃

別張洗馬樞

別席慘無言離悲兩相顧君登蘇武橋我見楊朱路

漢書

曰蘇武使匈奴二十年不降還為典屬國淮南子曰楊子見遠路而哭之為其可以南可以北傷其本同而末異也按張洗馬當是南朝人與子山同為羈士周陳通好之時南北流寓之士各許還其本國子山留而不遣故贈別焉言我兩人離別君如蘇武關山負雪行河水得遇南歸我若楊朱終悲歧路也

乘冰渡

言北地苦寒歸心之急也

願子著朱鵞知余在玄菟

後漢書曰交趾

女子嫁為朱黨人詩索妻反光武遣伏波將軍馬援討之郡國志交州交趾郡朱黨縣是又幽州玄菟郡武帝置洛陽東北四千里即高句驪也朱黨南之極玄菟北之極

別庾七八蜀

峻嶺拂陽烏長城連蜀都

春秋元命苞曰陽成於三故日中有三足烏蜀都賦曰叢

和假道於峻岐陽烏迴翼於高標又曰長城谿險

石銘懸劔閣沙洲聚陣圖

水經

注曰小劔去大劔飛閣通衢謂之劔閣張孟陽著劔閣銘晉書曰初諸葛亮造八陣於魚復平沙上累石為八行相去二丈桓溫見之曰此常山蛇勢也山長半股折樹老半心枯由來兄

弟別共念一荊株

吳均續齊諧記曰京兆田真兄弟三人共議分財生質皆平均惟堂前一

株紫荆樹共議欲破三片明日欲截之其樹即枯死狀如大然真往見之大驚謂諸弟曰樹本同株聞將分斫所以顛顛是人不如木也因悲不自勝不復解樹樹應聲榮茂兄弟相感合財寶遂為孝門真仕至太中大夫陸機詩云三荆懼同樹是也

將命使北始渡瓜步江

隋志江都六合有瓜步山

述異記曰水際謂之步瓜步在吳山吳人賣瓜於江畔因以名焉吳楚之間謂浦為步語之說耳鮑照瓜步山楬文其畧曰鮑子辭吳客楚指充歸揚道出關津升高問途北眺槐鄉高矚炎國分風代川揆氣閭澤瓜步山者亦江中眇小山也

校尉始辭國樓船欲渡河

漢書鄭吉傳曰自張騫通西域李廣利之後初置校尉又

楊僕傳曰南越反拜
輶軒臨磧岸旌節映江沱尚書孔安國注

曰泥乘輶說文曰軒曲輶藩車聲虛言切又曰磧水階

有石者聲七迹切爾雅曰旌旄曰旌史記索隱注曰

節使者所擁也釋名曰節毛上下相重取象竹節詩召

南云江有沱毛傳曰沱江之別者鄭箋曰岷山道江東

沱為觀濤想惟蓋爭長憶干戈枚乘七發曰海水如潮其少進也浩浩湔湔如

素車白馬帷蓋之張左傳哀十三年夏公會單平公晉

定公吳夫差於黃池秋七月辛丑盟吳晉爭先吳人曰

於周室我為長晉人曰於姬姓我為伯趙鞅呼司馬寅

曰日盱矣大事未成二臣之罪也建鼓整列二臣死之

長幼必可知也對曰請姑視之反曰肉食者無墨今吳

王有墨國勝乎太子死乎且鼻德輒不忍久請少待之

乃先雖同燕市泣猶聽趙津歌史記曰荆軻嗜酒日與

燕市酒酣以往高漸離擊筑荆軻和歌於市中相樂也已而相泣旁若無人及使秦太子丹送之至易水之上既祖取道高漸離擊筑荆軻和而歌為變徵之聲士皆垂淚涕泣劉向列女傳曰趙津女娟者趙河津之女趙簡子之夫人也初簡子南擊楚與津吏期簡子至津吏醉卧不能渡簡子欲殺之娟持楫而走簡子曰女子走何為對曰津吏息女妾父聞主君來渡不測之水恐風波之起水神動駭故待祝九江三淮之神供具備禮御釐受福不勝王祝杯酌餘漚醉至於此君欲殺之妾願以鄙軀易父之死簡子曰非女子之罪也娟曰主君欲因其醉而殺之妾恐其身之不知痛而心不知罪也若不知罪殺之是殺不辜也願醒而殺之使知其罪簡子曰善遂釋不誅簡子將渡用楫者少一人娟攘卷操楫而請曰妾願備父持楫簡子曰不穀將行選士大夫齋戒沐浴誓不與婦人同舟而渡也娟對曰妾聞昔者湯伐夏左騶牝驪右騶牝靡而遂放桀武王伐殷左騶牝

騏右驂牝驥而遂克紂至於華山之陽主君不欲渡則已與妾同舟又何傷乎簡子悅遂與渡中流為簡子發河激之歌其辭曰升彼阿兮而觀清永揚波兮杳冥冥禱求福兮醉不醒誅將加兮妾心驚罰既釋兮漬乃清妾持楫兮操其維蛟龍助兮主將歸呼來權兮行弗疑簡子大悅曰昔者不救夢娶妻宜此女乎使人祝祓以為夫人娟乃再拜而辭曰夫婦人之禮非媒不嫁嚴親在內不敢聞命遂辭而去簡子歸乃納幣於父母而立以為夫人君子曰女娟通達而有辭詩云來遊來歌以矢其音此之謂也

反命河朔始入武州

隋書地理志曰下邳郡下邳梁曰歸政置武州

輕車初逐李定遠未隨班

漢書曰李廣從弟蔡武帝元朔中為輕車將軍徙大將軍

擊右賢王有功中率封為安樂侯後漢書曰班超使西域通三十六國明帝永元七年封定遠侯

受詔

祁連反中威疎勒還

漢書曰霍去病至祁連山捕首虜甚多上曰驃騎將軍涉鉤者濟居

延遂臻小月氏攻祁連山楊武乎鱗得得單于單桓苗

董王及相國都尉以衆降下者二千五百人可謂能舍

服知成而止矣師古曰祁連乃天山也匈奴呼天為祁

連漢書西域傳曰疏勒國治疏勒城去長安九千三百

里後漢書云耿恭引兵據疏勒城漢遣兵迎校尉遂歸

飛蓬捐腰帶秋鬢落容顏

寄言舊相識知余生入關

後漢書班超上疏曰臣不敢望到酒泉但願生入玉門關

冬狩行四韻連句應詔

三川羽檄馳六郡良家選

韋昭曰三川河伊洛也史記陳弼傳上曰吾以羽檄徵天

下兵注云魏武奏事曰今邊有少警輒露檄揮羽飛羽檄之意也裴駘曰推此言則以鳥羽檄書謂之羽檄取

其急速若飛鳥也後漢書百官志曰羽林郎掌宿衛侍從常選漢陽隴西安定北地上郡西河凡六郡良家補

本武帝以便馬從獵還宿觀兵細柳城校獵長楊苑三殿陞巖下室中故號巖郎

黃圖曰細柳觀在長安西北三輔舊事云漢文帝大將軍周亞夫軍於細柳今呼古徵是也又黃圖曰射熊館

在長楊宮武帝好自擊熊司馬相如驚雉逐鷹飛騰猿從上林作賦諫揚雄亦作長楊賦

看箭轉鳴笳河曲還猶憶南皮返爾雅曰河百里一小曲千里一曲一直漢

書渤海郡南皮縣魏文帝與吳質書曰時駕而遊北遵河曲從者鳴笳以啓路文學記乘於後車又曰每念昔

日南皮之遊誠不可忘謝靈運擬鄴中詩曰念昔渤海時南皮戲清汎今復河曲遊鳴笳汎蘭汜是也呂向曰

魏近河故云河曲笳笛也笳說文作笳字同

和王內史從駕狩

王內史王褒也周書王褒傳曰保定中除內史中大夫

冬狩出離宮還過獵武功

左氏傳曰春蒐夏苗秋獮冬狩杜預曰狩圍守也冬物畢

成獲則取之無所擇也漢書賈山曰起咸陽而西至雍離宮三百師古曰凡言離宮者皆謂於別處置之不常

居也漢書地理志曰右扶風武功縣太宜山古文以為終南垂山古文以為敦物皆在縣東 澗橫偏

礙馬山虛絕響弓更羸承落雁韓盧鬪蟄熊

博物志曰更羸謂魏

王曰臣能射為虛發而下鳥王曰然試可於此乎問有鳥從東來羸虛發而下之也事出戰國策烏雁也國策

作雁又國策曰韓盧天下之駿犬也淮南子曰熊羆螯藏毛詩草木蟲魚疏云熊能攀緣上樹見人則顛倒自

投地而下冬則入穴而蟄始春而出脂謂之熊白羆有黃羆有赤羆大於熊其脂如熊白而羆不如熊白美也

猶開三面網誰肯一山重

呂氏春秋曰湯見網置四面拔其三面置其一面祝曰欲

高者高欲下者下吾取其犯命者漢南閭之歸者四十國

入道士館

金華開八景玉洞上三危

黃庭內經曰魚行形中八景神二十四真出自然陶弘景

真靈位業圖有八景城呂氏春秋曰水之美者有三危之露高誘曰三危西極山名雲袍白鶴度

風管鳳凰吹

黃庭內經曰丹景雲袍帶虎符易說曰春有白鶴之雲也漢書音義曰律得風氣而

成聲風俗通曰舜作簫其形參差以象鳳翼十管長尺二寸列仙傳曰秦女吹簫作鳳凰鳴曹植樂賦云鳳凰

笙吹野衣縫蕙葉山中簪笋皮

楚辭曰荷衣兮蕙帶王逸云蕙香草也漢書曰高帝

為亭長以竹皮為冠今求盜之薛治時時冠之及貴常冠所謂劉氏冠也應劭曰以竹始生皮作冠今鵲尾冠是師古曰竹皮箬皮謂箬上始解之箬今亦往往為箬皮巾古之遺制也說文云箬差也聲所今切箬疑作縻鄭康成周易覆公餗注云縻謂之縻震為竹竹何必淮蒹曰筍筍者餗之為菜也茲作縻蓋从竹也

南館淹留攀桂枝

淮南王安招隱士曰桂樹叢生兮山之幽又云攀援桂樹兮仍淹留

奉和永豐殿下言志十首

永豐殿下梁故永豐侯蕭瑒也北史云蕭瑒字智退武帝弟成安王秀之子也在梁封永豐侯武陵王僧號宗室在蜀惟攜一人尉遲迥入蜀從迥歸魏仕周歷少保少傅改封蔡陽郡公晉書地理志始安郡有永豐縣

立德齊今古資仁一毀譽

左氏傳曰太上有立德論語曰誰毀誰譽譽平聲無

機抱甕汲有道帶經鋤

莊子曰子貢南遊於楚反於晉過漢陰見一丈人方將為圃畦

鑿隧而入井抱甕而出灌澆搨然用力甚寡而見功寡子貢曰有械於此一日浸百畦用力甚寡而見功多夫子不欲乎為圃者邛而視之曰柰何曰鑿木為機後重前輕挈水若抽數如決湯其名為棊為圃者忿然作色而笑曰吾聞之吾師有機械者必有機事有機事者必有機心機心存於胸中則純白不備純白不備則神生不定神生不定者道之所不載也吾非不知蓋而不為也說文曰甕汲瓶也音於貢反魏畧曰常林少單貧性好學漢末為諸生帶經鋤其妻嘗自餽餉之林雖在林野其相敬如賓又漢書云兒寬帶經而鋤

處下

惟名惠能言本姓蘧

列女傳曰柳下惠死門人將諡之妻曰夫子之謚宜為惠乎門人從

以為謚能言本姓蘧者按下丈寵辱慘舒二語疑指蘧伯玉也左傳襄十四年孫氏欲逐獻公見蘧伯玉對曰君制其國臣敢奸之雖奸之庸知愈乎遂行從近關出二十六年甯喜欲納公告蘧伯玉伯玉曰瓊不得聞君之出敢聞其入遂行從近關出疑此二語能言者也言如柳下惠蘧伯玉者可以無驚寵辱不係慘舒者也

未論驚寵辱安知係慘舒

老子曰寵辱若驚西京賦曰夫人在陽時舒在陰時則慘

此章深慕避世之人身無榮辱不可及也

王子從邊服臨叩惜第如

言揚在蜀也相如傳曰第俱如臨叩索隱曰第且也如往也師古曰

第但也周書本傳曰轉輕車將軍巴西梓潼二郡守及侯景作亂武陵王紀承制領益州刺史是也

星橋擁冠

蓋錦水照簪裾

星橋錦水皆蜀地也水經注曰李冰造橋上應七宿故世祖謂吳漢曰安軍宜在七橋連

星間後漢書曰公孫述募敢死五千人以配廷岑於市橋注云市橋即七星之一橋也李膺益州記曰冲星橋舊市橋也在今成都縣西南四里譙周益州志曰成都織錦既成濯於江水其文勝於初成他水濯之不如也爾雅曰袂謂之裾方言曰即水

論文報潘岳詠史答應璩

晉書曰潘岳字安仁潯陽中牟人也美姿儀辭

藻絕麗尤善為哀誄之文世說曰孫興公云潘文爛若披錦無處不善魏志曰應瑒弟璩以文章顯官至侍中裴松

之注云文章叙傳曰應璩字帳幕參三顧風流盛七輿休璩博學好屬文善為書記

蜀志諸葛亮上疏曰猥自枉屈三顧臣於草廬之中左傳僖十年云及七輿大夫又襄二十三年云惟魏氏及七輿大夫與之服虔於僖傳言上軍之輿帥七人屬申生者於襄傳言下軍之輿帥七人屬縶盈者杜預曰七輿官名侯伯七命副車七乘劉炫謂服言是矣此章言撫從武陵王紀在蜀領益州刺史聲名之盛也

茫茫實宇宙與善定馮虛

言宇宙茫茫天與善人之說為虛也淮南子曰茫茫昧昧

從天之道又曰絃宇宙而章三光後漢郎顗傳易曰天道無親常與善人

大夫傷魯道君子

念殷墟

史記太史公曰余聞孔子稱曰甚矣魯道之衰也觀慶父及叔牙閔公之際何其亂也按孔子

嘗為魯司寇故云大夫尚書大傳曰微子將朝周過殷之故墟見麥秀之漸漸此父母之國志動心悲也大夫

傷魯道者喻相東武陵兄弟構釁亂如叔牙閔公之際也君子念殷墟者喻攜在蜀而蜀亡也周書本傳曰成

都為尉遲迴所破

程鄉既開國安平遂徙居

史記曰重黎氏在周

程伯休甫應劭曰封為程國伯休甫其字也括地志云安陵故城在雍州咸陽東二十一里周之程邑也漢書

地理志曰潯川國東安平孟康曰紀季以鄒入於齊今鄒亭是也師古曰傳陵有安平故此加東鄒音攜按左

傳莊三年紀季以郤入於齊紀於是始判杜預曰季紀
侯弟鄆紀邑在齊國東安平縣齊欲滅紀故季以邑入
齊為附庸先紀不廢社稷有奉故書字貴之程鄉既開
國者喻撫歸魏仕周封蔡陽郡公是開國也安平遂徙
居者喻撫徙蜀徙魏武陵滅而永詎能從小隱終然遊
豐封若春秋時紀亡而季存也

太初晉王康琚反指隱詩曰小隱隱陵藪大隱隱朝市
易乾鑿度云太初者氣之始言不能隱於陵藪在
此朝市終當遂其初志也
此章言蜀亡撫歸於魏也

直城風日美平陵雲霧除

三輔黃圖曰長安西出第二門曰直城門漢書地理志云

平陵屬右扶風

來往金張館絃歌許史間

漢書曰功臣之後惟有金氏張氏親近貴

寵比於外戚又曰孝宣許皇后元帝母元帝封外祖父
廣漢為平恩侯史良娣宣帝祖母也兄恭宣帝立恭已

死封恭長子高為樂陵侯在太沖詠
史詩云朝集金張館暮宿許史廬

鳳臺迎美玉河陽

送婕妤

仙傳拾遺曰蕭史善吹簫作鸞鳳之響秦穆公
有女美玉善吹簫公以美玉妻之遂教美玉作

鳳鳴居十數年吹簫似鳳聲鳳凰來止其屋公為作鳳
臺夫婦止其上一旦美玉乘鳳蕭史乘龍昇天而去秦

為作鳳女祠時聞簫聲今洪州西上絕頂有蕭史石仙
壇石室及巖屋真像存焉列女傳曰趙飛燕姊妹者咸

陽侯趙臨之女孝成皇帝之寵姬成帝嘗微行出過河
陽主樂作上見飛燕而悅之召入宮大幸有女弟復召

入俱為婕妤河五馬遙相問雙童來夾車

古詩日出東
南隅行曰使

君從南來五馬立踟躕使君遣吏往問此誰家妹又相
逢狹路間曰相逢狹路間道路不容車如何兩少年夾

轂問君家此章言其
歸魏仕周之事也

託情忻六學遊目愛三餘

六學疑六經詩書禮易春秋也又疑六藝禮樂射御書數

也魏畧曰董畧字季真善左氏傳言學當以三餘冬者歲之餘夜者日之餘陰雨者時之餘

覆局能

懸記看碑解暗疏

魏志曰王粲觀人圍碁局壞粲復為之

為之用相比不誤一道其強記默識如此世說曰魏武過曹城碑下楊修見碑背上題作黃絹幼婦外孫壘白

八字魏武曰解否答曰解魏武曰卿未可言待我思之行三十里乃曰吾已得吾已得今修別記所知修曰黃

絹色絲也於字為絕幼婦少女也於字為妙外孫女子也於字為好壘白受辛也於字為辭所謂絕妙好辭也

魏武亦記之與修同曰我詎嘗遊魏冉那時說范曄

史記

曰穰侯魏冉者秦昭王母宣太后異父長弟封穰侯相秦魏人范曄自謂張祿先生譏穰侯之伐齊奸說秦昭

王昭王於是用范睢免相國令涇陽之屬皆出關又曰
范睢為秦相封應侯蔡澤聞應侯任鄭安平王稽皆負
重罪於秦應侯內慙蔡澤乃西入秦將見昭王使人宣
言以感怒應侯應侯聞之使人召蔡澤澤說應侯稱善
以開秦昭王昭王召見與語池水朝會墨流螢夜聚書
大悅之拜為客卿范睢免相
羊愔能書人姓名曰弘農張芝字伯英高尚不仕善草
書精勁絕倫家之衣帛中必先書而後練臨池學書池
水盡黑每書云匆匆不暇草人謂為草聖弟昶漢黃門
侍郎亦能草今世芝草者多是昶作也晉書曰車胤貧
不得油夏月囊螢照書讀壯史列傳云蕭撝善草書名
亞王褒算數醫方咸亦留意所著詩賦雜文數萬言願
行於世武成中明帝令諸文儒於麟趾殿校定經史
仍撰世譜撝亦豫焉此章言撝以文學見重於周也
興雲榆莢晚燒雞杏花初
月春秋元命苞曰三月榆莢落
今曰季夏之月大雨時行

燒雖行水利以殺草如以熟湯鄭注云雖謂迫也芟草也謂欲稼萊地先雖其草草乾燒之至此月大雨流水灌畜其中則草死不復生而地美可稼也雖人掌殺草職曰夏日至而雖之又曰如欲其化也則以水火變之汜勝之書曰古始華榮輒耕輕土弱土望花落復耕之輒澆之此謂一耕而五獲淮南時則訓曰二月官倉具樹杏按杏花在二月又按周禮五月夏至雖之六月合燒之燒雖當在五月此云燒雖杏花初者蓋謂二月合謂與農播殺之初也

陂池侵黍稷谷水播菑畬

說文曰陂水沕貌从水彪省聲皮彪

切詩曰陂池北流又說文曰陂不耕田也畬三歲治田也易曰不畬畬畬側詞切畬以諸切徐錯曰畬从艸从田田不耕則艸塞之故从艸音灾六月蟬鳴稻千金龍骨渠仲夏之月蟬始鳴孟秋之月寒蟬鳴是五月蟬鼓翼始鳴六月蟬正鳴時稻將熟矣楊佺期洛陽記曰千金陂在洛陽

城西三十五里漢書溝洫志曰嚴熊言臨晉民願穿洛以溉重泉以東萬餘頃故惡地誠得水可令畝十石於是發卒萬人穿渠穿得龍骨故名曰龍骨渠括地志云伏龍祠在同州馮翊縣西北四十里故老云漢時自微穿渠引洛得龍骨其後立祠因舍風搖古度防露動林以伏龍為名今祠頗有靈驗也

於

吳都賦曰松梓古度劉欣期交州記曰古度樹不華而實實從皮中出大如安石榴色赤可食其實中有如蒲梨者取之為棕數日不壞即成蟲如蟻有翼穿皮飛出著屋正黑楚辭曰上歲蕤而防露兮下泠泠而來風戴凱之竹譜曰蓋竹所生大抵江東上密防露下疎來風林於竹名吳越春秋曰袁公問於處女吾聞子善劍願一見之女曰吾不敢有所隱惟公試之於是袁公作林於竹竹枝上頌橋末墮地女即捷末袁公則飛上樹化為白猿吳都賦云其竹則質營篠簜是也此章謂為言志所在以穀稼為事也

自憐循短綆方欲問長沮

此下皆子山自謂也淮南子曰短綆不可以汲深器小不

可盛大非其任也高士傳曰長沮桀溺者不知何許人也耦而耕孔子過之使子路問津焉長沮曰是知津

矣茂陵體猶瘠淮陽疾未祛

史記曰司馬相如病免家居茂陵又曰汲黯多病以

諸侯相秩居淮陽十歲而卒

翻疑承毒水忽似遇昌菹

左氏傳曰晉伐秦秦人毒

涇上流師人多死又傷三十年傳曰王使周公闕來聘饗有昌歜杜元凱注云昌歜昌蒲菹也歜在威反周禮鄭注云昌本昌蒲菹漢陽嗟欲盡咎繇懼忽諸

左氏傳曰漢陽諸姬

楚實盡之又丈五年傳曰楚子庚滅蓼臧文仲聞六與蓼臧曰臯陶庭堅不祀忽諸杜預曰六與蓼皆臯陶後也傷二國之君不能建德結援大國忽然而亡此章言已本小材素有隱志況復多病疑承毒水者有若江陵

欽定四庫全書

卷四

臨後隨例入闕似遇昌菹者本以聘問來秦備物宜饗
今久留長安傷梁之宗室蕩然欲盡而梁國亦忽然而
亡者也

弱齡參顧問疇昔濫吹噓

言已少年在東宮時得備顧問濫竽衆食也齡年也陶潛

詩云弱齡寄事外後漢百官志本注曰掌侍左右贊導衆事顧問應對

綠槐垂學市長楊

映直廬

三輔黃圖曰元始中起明堂列槐樹數百行朔望諸生持經書及當郡所出物於此賣買號曰

槐市又曰長楊宮在藍屋縣東南三十里漢書音義張宴曰直宿曰廬

連盟翻滅鄭仁義

反亡徐

史記鄭世家曰鄭君亡立二年鄭負黍反復歸韓十一年韓伐鄭取陽城二十一年韓哀侯滅

鄭并其國言負黍之地來歸是連盟也負黍反鄭卒以滅喻侯景以十三州內屬梁卒以之亡也徐羸姓國春

秋徐子章羽奔楚是也徐偃王志曰徐偃王治國仁義
著聞欲舟行上國乃導溝陳蔡之間得朱弓矢以為天
瑞遂因名為號自稱徐偃王江淮諸侯服從者三十六
國周王聞之遣使至楚令伐之偃王愛民不圖遂為楚
敗北走彭城武原縣東山下百姓隨者萬數因名其山
為徐山山下立石室亦有神靈民人請禱焉徐偃行仁
而徐亡以喻梁武

還思建鄴水終憶武昌魚

晉書五行志云吳孫

皓初童謠曰寧飲建鄴水不食武昌魚寧還建鄴死不
止武昌居按建鄴梁武帝所都武昌漢之江夏鄴縣吳
曰武昌梁屬鄴州本云不食武昌魚今子山羈旅長安
建鄴武昌舊都舊國皆可思也又按子山曾為鄴州別
駕與湘東王論水戰事深為梁主所賞徙建鄴至江陵
途之所經故武昌為可憶矣此章追述平生時抄撰東
宮出入禁闥及侯景內附有如負秦之侵梁武行仁終
臨偃王之轍而已身遭離亂心念鄉關建鄴舊宮似渴

欽定四庫全書

卷四

江流之水武昌魚味
不啻秋風之鱸矣

崩堤壓故柳哀社卧寒樗

詩曰采荼薪樗草木蟲魚疏云樗樹及皮皆似漆青色其

葉野鶴能自獵江鷗解獨漁

說文曰鷗水鶚也

漢陰逢荷篠緇

林見杖屨

高士傳曰漢陰丈人者楚人也子貢適楚遇漢陰見丈人為圃入井抱甕而灌用力甚多

而見功寡又曰荷篠丈人不知何許人也論語遇丈人以杖荷篠包曰篠竹器說文作篠芸田器也莊子曰孔子遊乎緇帷之林休生乎杏壇之上孔子弦歌鼓琴奏曲未半有漁父者下船而來以聽曲終而招子貢子路二人俱對客指孔子曰有土之君與子貢曰非也侯王之佐與曰非也客乃笑而還行言曰仁則仁矣恐不免其身苦心勞形以危其真嗚呼遠哉其分於道也子貢還報孔子孔子推琴而起曰其聖人與乃下求之至於

澤畔方將杖屨而引其船顧見孔子還向而立孔子反走再拜而進言畢乃刺船而去延葦間顏淵還車子路投綏孔子不顧待水波定不聞阮籍嘗思酒嵇康懶著琴音而後敢乘司馬云琴枕也

書

晉書阮籍傳曰籍本有濟世志屬魏晉之際天下多故名士少有全者籍由是不與世事遂酣飲為常魏

志曰嵇康文辭壯麗好言老莊而尚奇任俠

披林求木實拂雪就園蔬濁膠非鶴髓蘭有異蟹胥

魏都

賦曰濁膠如河漢書郊祀志曰先驚鶴髓楚辭曰蘭有蒸芳蘭藉釋名曰蟹胥取蟹藏之使骨肉解之胥胥然

也野情風月曠山心人事疏徒知守瓠甕空欲報璫璣

爾雅曰瓠甕謂之甕郭璞注云甕甕也今江東呼為瓠甕左氏傳曰季平子卒陽虎將以璫璫斂杜注云璫璫

美玉君所佩說文云魯之寶玉也張景陽雜詩云
旣覽夸璠璣旣覽喻已才如瓦礫也璠璣喻永豐侯才如美
玉也意指發於蕭撫子山和之故云報笑以上二章言
志意所欲惟是棄絕人間超踰世網追踪嵇阮寄情風
月富貴名利非所願也

率爾成詠

此亦詠懷之作臧榮緒晉書曰阮籍屬文初不
苦思率爾便作沈休文有三月三日率爾成篇
良曰率爾
率疾也

昔日謝安石求為淮海人彷彿新亭岸猶言洛水濱

宋明

帝文章志曰桓溫止新亭大陳兵衛呼謝安及王坦之
欲於坐害之王入失厝倒執手版汗流霑衣安神安舉

動不異於常舉目徧歷溫左右衛謂溫曰安聞諸侯有
道宇在四鄰明公何有壁間著阿堵輩溫笑曰正自不
能不爾於是莊矜之心頓盡令部左右促燕行觴笑語
移日謝安字安石求為淮海人者安本放情丘壑不獲
已乃出故云新亭祖溫止處晉都洛陽在洛水之濱也
濱水際也桓溫新亭陳兵將移晉室安石得承顧命盡
忠巨翼終能輯穆猶言洛

南冠今別楚荆王遂遊秦

左氏

傳曰晉侯觀於軍府見鍾儀而問之曰南冠而縶者誰
也有司對曰鄭人所獻楚囚也韓子曰卞和抱其璞哭
於荆山之下史記曰秦王欲以十五城易趙和氏璧蘭
相如奉璧入秦秦王無意償趙城乃前曰璧有瑕請指
之王授相如相如持璧晚柱秦王恐破璧乃謝相如相
如持璧歸別楚者喻已去江陵也留秦者喻已身留長
安

倘使如楊僕寧為關外人

漢書應劭注曰楊僕數有
大志恥為關外民上書乞

從東關以家財給其用度言謝安石昔者新亭之禍尚能全身為國已今日西魏之使遂致屈節比之楊僕翻以入關為恥也

慨然成詠

亦詠懷之作也慨然嘆之詞慷慨發聲者也

新春光景麗遊子離別情

漢書高祖曰遊子悲故鄉言已羈旅長安雖春光甚麗惟

有別離之情也

交讓未全死梧桐唯半生

劉達注蜀都賦云交讓木名也兩樹對生

一樹枯則一樹生如是歲更終不俱枯俱生也枚乘七發曰龍門之桐高百尺而無枝其樹半死半生喻已非

死非生若枯樹也

值熱花無氣逢風水不平

喻已如花之無香又如水之不靜也

寶雞雖有祀何時能更鳴

漢書曰秦文公獲若石於陳倉北阪城祠之其神先輝若

流星從東方來集於祠城則若雄雞其聲殷殷云野雞
夜鳴以一太牢祠之名曰陳寶喻已今食周粟如寶雞
為秦所獲雖有祭祀不能
更鳴言何時復能得志也

奉和賜曹美人

月光如粉白秋露似珠圓

江淹別賦云至乃秋露如珠秋月如珪

絡緯無

機織流螢帶火寒

崔豹古今注曰絡緯亦曰莎雞詩疏云絡緯鳴懶婦驚促織也古今注曰

螢火一名景天一名熠燿一名丹良一名磷一名丹鳥一名夜光一名宵燭腐草為之食蚊蚋

何年迎

美玉今朝得夢蘭

列仙傳曰秦穆公有女號美玉在氏傳曰鄭文公有賤妾曰燕姑夢天使

與已蘭曰余為伯儵余而祖也以是為而子以蘭有國香人服媚之如是既而文公見之與之蘭而御之生穆

公名之
曰蘭
訝許能會笑芙蓉宜熟看

和趙王看伎

綠珠歌扇薄飛燕舞衫長

晉書曰石崇有妓曰綠珠美而黠荀悅漢紀曰趙火善舞

號曰飛燕

琴曲隨流水簫聲逐鳳凰

呂氏春秋曰伯牙鼓琴鍾子期聽之曰巍巍乎

若泰山湯湯乎若流水風俗通曰舜作簫其形參差以象鳳翼

細縷纏鐘格

一作細莖纏鐘板

圓花釘鼓牀

一作膺風蟬鬢亂映日鳳釵光格音閣懸鍾之木也言密緝其絕縮鍾於木今枝格

不得下也一作纏鍾板者義同若有替之詩所謂設業

設虞崇牙樹羽又綿篇云縮版以載是也毛傳曰業大

板也所以飾枸為縣也捷業如鋸齒或曰畫之植者為

虞橫者為枸崇牙上飾卷然可以縣也爾雅曰繩之謂

之縮之郭云縮者約束之孫炎云繩束簾版謂之束莖
束莖也說文云其巨切牀鼓欄也若升欄淮南王篇以
為銀牀矣圓花鼓釘也鼓釘圓刻作花文釘其工故云
圓花釘鼓牀言作鼓用鐘鼓也一作磨風蟬鬢亂映日
鳳釵光者雀豹古今注曰魏文帝宮人絕所愛者有莫
瓊樹蟬鬢縹緲如蟬故曰蟬鬢王子年拾遺記石崇愛
婢翔風瑩金為懸知曲不誤無事畏周郎吳志曰周瑜少時精意於
鳳冠之髻是也
音樂雖三爵之後其有闕誤瑜必知之
知之必顧時人謠云曲有誤周郎顧

奉答賜酒

仙童下赤城仙酒餉王平

神仙傳曰茅濂字初成乃於華山之中乘雲駕龍白日昇

天歌曰神仙得者茅初成駕龍上昇入泰清時下玄洲戲赤城繼世而往在我盈帝若學之臘嘉平又曰王遠

字方平以一貫錢與餘杭姚求
沽酒須臾還得一油囊酒五斗
野人相就飲山鳥一羣

驚細雪翻沙下寒風戰鼓鳴此時逢一醉應枯反更榮

奉答賜酒鵠

雲光偏亂眼風聲特噤心冷猿披雪嘯寒魚抱凍沉今

朝一壺酒實是勝千金負恩無以謝惟知就竹林

魏氏春秋

曰嵇康與陳留阮籍河內山濤河南向秀籍兄子咸
卿郭王戎沛人劉伶相與友善遊於竹林號為七賢

正旦蒙趙王賚酒

正旦辟惡酒新年長命杯

荆楚歲時記注練化篇云正
月旦吞雞子赤豆七枚辟瘟

氣又肘後方云旦及七日吞麻子小豆各二十七枚消疾
疫張仲景方云歲有惡氣中人不幸便死取大豆二十七
枚雞子白麻子酒吞之麻豆之設當起於此崔寔月令
云元日進酒降神畢室家尊卑次列於几之前各上椒
酒於家長稱觴

柏葉隨銘至椒花逐頌來

荆楚歲時記
日正月一日

是三元之日也長幼悉正衣冠以次拜賀進椒柏酒梁
昭明錦帶啓太簇正月云柏葉汎三元之酒晉書曰劉

恭妻元日
獻椒花頌

流星向椀落浮蟻對春開

流星浮蟻皆酒也
王子年拾遺記曰

張華為九醞酒以三薇漬麴藥藥出西菴麴出北胡中
有指星麥四月火星出麥熟而獲之以之釀酒醇美久
舍令人盡動若大醉不叫笑搖蕩令人肝腸消爛俗人
謂為消腸酒閭里歌曰寧得醇酒消腸不與日月齊光
南都賦曰璆數數寸浮蟻如萍注云釋名曰
酒有汎齊浮蟻在上汎汎然如萍之多者

成都已救

欽定四庫全書

庚子山集
卷四

五

火蜀使何時迴

神仙傳曰藥巴蜀郡人也少而學道不修俗事為尚書正朝大會已獨後到又

飲酒西南喫之有司奏已不敬有詔問巴已頓首謝曰臣本縣成都市失火臣故因酒為雨以滅火臣不敢不敬詔即以驛書問成都成都答言正旦大失火食時有雨從東北來火乃息雨皆酒臭後忽一旦大風天霧晦暝對生皆不相見失已所在尋問之云其日還成都與親故別也

衛王贈桑落酒奉答

周書云文帝十三子文宣皇后生高祖衛刺王直直字豆羅突武成初進封衛國公建德三年

進爵為王

愁人坐狹邪喜得送流霞

古詩云長安有狹邪夾穀不容車陸機詩有長安有狹邪

行抱樓子曰項曼卿修道山中自言至天上遊紫府遇
仙人與流霞一杯飲之輒不饑渴愁人自謂也狹邪謂
長安之地也言已本流寓愁坐長
安狹邪之處喜衛王送酒而至也

跂牕催酒熟停杯待

菊花

言得此酒煮之更待酌也
跂倚也菊花酒名也

霜風亂飄葉寒水細澄沙

高陽今日晚應有接羅斜

世說曰山季倫為荊州時出
酣暢人為之歌曰山公時一

醉徑造高陽池日暮倒載歸
若茅無所知復能乘駿馬
倒著白接羅舉手問葛疆
何如并州兒高陽池在襄陽
疆是其愛將
并州人也

就蒲州使君乞酒

蒲州使君中山公訓晉國公瓌世子也周書武
帝紀天祐元年二月以開府中山公訓為蒲州

欽定四庫全書

庚子山集

卷

總管六年五月為柱國建德元年獲誅徵
赴京師見害此就乞酒下篇有許乞之事

蕭瑟風聲慘蒼茫雪貌愁

楚辭曰蕭瑟兮草木搖落而
變衰王逸注曰陰令促急風

暴疾鳥寒樓不定池凝聚未流

言已本流寓之人在此
苦寒之地如鳥寒樓欲

飛池凍流
還聚也

蒲城桑葉落灞岸菊花秋

蒲城蒲州城也桑落
岸蒲陵岸也桑落

菊花謂酒也洛陽伽藍記曰河東郡民劉白墮宿擅工
釀排子桑落之辰故酒得其名王粲七哀詩曰南登霸

陵岸西京雜記曰九

月九日飲菊花酒

顧持河朔飲分勸東陵侯

後漢書
曰東紹

公孫瓚皆咸震河朔紹數擊破瓚軍瓚遂還幽州不敢
復出天子遣太僕趙岐和解關東使各罷兵瓚因此以

書譬紹共同斯好紹於是引軍南還三月上已大會賓
徒於薄落津史記蕭相國世家曰召平者故秦東陵侯

秦破為布衣貧種瓜於長安城東瓜美故世俗謂之東陵瓜徙台平以為名也按子山身留長安江陵失守隨例入關者如王褒等有數十人願乞此酒分勸諸彼自言本故梁亡國之臣與諸南人羈士若東陵故侯矣

蒲州刺史中山公許乞酒一車未送

上乞酒求乞之乞此乞酒乞讀曰氣與也後漢書楊政傳詔曰乞楊生師晉書謝安謂其甥羊曇曰以豐乞汝皆與也與求乞之乞字同而音義俱異矣

細柳望蒲臺長河始一迴

三輔黃圖曰長安西渭水北古徵西有細柳倉三齊記曰

般城南有蒲臺高八十尺秦始皇所頌處在臺下紫蒲繫馬今蒲猶紫者見郡國志平原般縣注江淹別賦云去復去兮長河涓細柳謂已在長安蒲臺謂中山公在蒲州也言兩處相望也秋桑幾過落春

蟻未曾開

桑落注見上篇謝朓詩曰涿蟻方獨持釋名云酒有汎齊浮蟻在上洗洗然言許乞而未

送瑩角非難馭槌輪稍可催

瑩角謂馭車之牛也槌輪謂車也以中山公許乞一

車故云世說曰王君夫有牛名八百里馭常瑩其角略明文選序曰大輅穿有椎輪之質呂向曰椎輪古棧車

槌與椎字同

只言千日飲舊逐中山來

博物志曰玄石從中山酤酒酒家與之千

日之酒

答王司空餉酒

一作答王
張餉酒

今日小園中桃花數樹紅開君一壺酒細酌對春風未

能扶畢卓猶足舞王戎

晉中興書曰畢卓字茂世新蔡人少遊達為胡毋輔之所知太

興未與吏部郎嘗飲酒廢職比舍郎釀酒熟卓因醉夜
至其甕間取飲之主者謂盜執而縛之知為吏部也釋
之卓遂引主人燕甕側取醉而去世說曰長史謝仁祖
同為王公掾長史云謝掾能作異舞謝便起舞王公熟
視謂客曰使人思安豐王戎字濬
仲瑯琊臨沂人也爵安豐縣侯

盃中

漢書云孝武作柏梁銅
柱承露仙人掌之屑

舟中望月

舟子夜離家開船望月華

詩云招招舟子高誘
淮南注曰船小船也

山明疑

有雪岸白不關沙

古月之所照則山如
積雪岸似銀沙也

天漢看珠蚌星

橋似桂花

河圖括地象曰河精上為天漢呂氏春秋曰
月望則蚌蛤實羣陰盈月晦則蚌蛤虛羣陰

缺龜策傳曰明月之珠出於江海藏於蚌中缺螫伏之
酉陽雜俎曰舊言月中有桂高五百丈下有一人常斫
之樹創隨合人姓吳名剛西
河人學仙有過謫令伐樹
淮南子曰晝隨灰而月暈闕注云月暈以蘆灰為環缺
其一面則月暈亦闕於上竹書紀年曰帝堯在位七十
年有草莢階而生月朔始生一莢月半而生十五莢十
六日以後日落一莢及晦而盡月小則一莢焦而不落
名曰
莢莢

望月

夜光流未曙金波影尚賒

漢書曰月穆穆似金波

照人非七子舍

風異九華

七子疑即七枝燈名西京雜記有七枝鐙言照人異於燈也又疑鏡名西京雜記云秦始

皇常以鏡照宮人膽張心動者則殺之漢書曰漢興因
秦之名號妾有美人良人八子七子之號焉梁簡文望
月詩云形同七子鏡西京雜記曰趙飛燕為皇后其女
弟上縫三十五條有九華扇曹子建九華扇賦序曰昔
吾先君常侍得幸漢桓帝賜方竹扇不方不圓其中結
成大名曰九華知九華是扇名言月之含風異於扇也

冀新半壁上桂滿獨輪斜

冀柱注見上篇

乘舟聊可望無假逐

仙

一作靈

槎

荆楚歲時記曰漢武帝令張騫使大夏尋河源乘槎經月而至一處見一女織一丈夫牽

牛飲河渚織女取支機石與騫而還後為東方朔所識

對雨

繁雲猶暗嶺積雨未開庭階舍侵角路鑊滿溜疎萍濕

楊生細堪爛草變初螢

楊諸深切音斟木跋也月令腐草化為螢

徒勞看蟻

封無事祀靈星

易林曰蠟封戶穴大雨將集後漢書祭祀志曰漢興八年有言周興而邑立后

稷之祀於是高帝令天下立靈星祠言祠后稷而謂之靈星者以后稷又配星食也舊謂星謂天田星也一日龍左角為天田官主穀祀用壬辰位祀之壬為水辰為龍就其類也姓用太牢縣邑今長侍祠三輔故事長安城東十里有靈星祠

喜晴

比日思光景今朝喜暫逢雨住便生熱雲晴即作峰水
白澄還淺花紅燥更濃已歡無石燕彌欲棄泥龍

湘中記曰

零陵有石燕遇風雨則飛舞如燕止則為石淮南子曰
土龍致雨高誘注云湯遭旱作土龍以像龍雲從龍故
也致雨也

詠春近餘雪應詔

送寒開小苑迎春入上林

上林苑名

絲條變柳色香氣動蘭

心待花將

一作思

對酒留雪擬彈琴

宋玉諷賦曰臣援琴而鼓之作幽蘭白雪

之曲陪遊愧並作空見奉恩深

奉和初秋

和梁簡文帝也簡文集中有初秋詩

落星初伏火秋霜正動鐘

詩幽風云七月流火毛傳曰大火也流下也昭三年左

傳張翹曰火星中而寒暑退服虔曰火大火心也季冬十二月平且正中在南大寒退季夏六月黃昏火星中大暑退是火為寒暑之候哀十一年左傳曰火伏而後蟄者畢山海經曰豐山有九鐘焉是知霜鳴郭璞注曰霜降則北閣連一作橫漢南宮應鑿龍漢天漢也黃圖曰引渭水灌都

鐘鳴以象天漢橫橋南渡以法牽牛大戴禮云七月棄戶漢也棄戶也者直戶也言正南北也西都賦云抗應

虹梁之祥鸞棲竹實靈蔡上一作芙蓉時鳳凰藏日而至

止於東園食常竹實櫻常梧桐終身不去史記龜策傳曰余至江南問故老云龜千歲乃遊蓮葉之上又曰臣為郎時見萬畢石朱方傳曰有神龜在江南嘉林中常巢於芳蓮之上靈蔡龜也論語臧文仲居蔡鄭曰蔡謂國君之守龜也漢書食貨志云元龜曰蔡芙蓉蓮也爾雅曰荷芙蓉渠其實蓮郭璞注云別名芙蓉江東呼荷蓮

謂房也

自有南風曲還來吹九重

樂記曰昔舜作五絃之琴以歌南風楚辭曰君

門兮九重

晚秋

淒清臨晚景疎索望寒階濕庭凝墜露搏風卷落槐

楚辭

曰朝飲木蘭之墜露

日氣斜還冷雲峰晚更霾可憐數行雁點點

遠空排

和潁川公秋夜

沈寥空色遠葉黃淒序變

楚辭曰沈寥兮天高而氣清王逸曰沈寥曠蕩空虛靜也

吹音血說文曰吹水徙孔穴疾出也聲

洞浦落遵鴻長

飏送巢燕

淮南子曰燕雁代飛高誘曰燕玄鳥也春分而來雁春分而去北詣溟中也燕秋分而北

雁秋分而南詣彭蠡也故曰代飛

千秋流夕景百籟含宵囀

說文曰籟三孔翕也

大者謂之笙其中謂之簫小者謂之箛籟洛帶切

峻雉聆金柝層臺切銀箭

峻雉

謂高城也左傳祭仲曰都城過百雉杜預云方丈曰堵三堵曰雉也易繫辭云重門擊柝以禦暴客鄭康成云手持兩木以相敲是為擊柝守備警戒也顏延年楊給事誅曰金柝夜擊柝善曰金謂刁斗也衛宏漢書儀曰畫漏畫夜漏起城門擊刁斗周廬擊木柝李周翰曰金謂刁也柝打更木也柝音托周禮作柝字同枚乘七發曰臺城層構周禮挈壺氏鄭注云漏之箭畫夜共百刻冬夏之間有長短焉太史立成法有四十八箭

詠畫屏風詩二十四首

屏風之制古所謂展皆有畫飾禮記鄭注曰斧
展者畫屏風也又周禮注云黼依其制如屏風
東觀漢記曰宋弘帝燕見御生新施屏風圖畫
列女鄴中記曰石虎作金銀鈕屈膝屏風以白
纈畫義士仙人子山詠畫屏風詩
二十四首其畫不一蓋雜詠之也

浮橋翠蓋擁平旦雍門開

淮南子曰馳要裒建翠蓋高
誘注云翠蓋以翠鳥羽飾蓋

也淮南子曰日至於曲阿是為旦明高誘
注云平旦也潘岳閨中詩曰雍門不啓

石崇迎客至

山濤載妓來

晉書曰石崇字季倫生於青州小名齊奴
財產豐積室宇宏麗後房百數皆曳紈繡

珥金翠絲竹盡當時之選庖膳窮水陸之珍興貴戚王
愷羊琇之徒以奢靡相尚又曰山濤字巨源河內懷人

也水紋恒獨轉風花直亂迴誰能惜紅袖寧一作迎用捧

金杯

碧玉歌云碧玉奉金杯綠酒助花色

停車小苑外下渚長橋前澁菱迎擁楫平荷直蓋船殘

絲繞折藕芰葉映低蓮遙望芙蓉影只言水底然

爾雅曰荷

芙蓉其華菡萏其實蓮其根藕郭璞曰別名芙蓉江東呼荷

昨夜鳥聲春驚聞動四鄰今朝梅樹下定有詠花人流

星浮酒泛粟瑱繞杯脣

瑱它殿反粟瑱注見秋夜搗衣詩

何勞一片雨

喚作陽臺神

宋玉高唐賦云旦為朝雲暮為行雨朝朝暮暮陽臺之下

逍遙遊桂苑寂絕到桃源

毛詩曰於焉逍遙謝莊月賦云肅桂苑陶潛有桃花源記

狹石分花逕長橋映水門管聲驚百鳥人衣香一園定知歡未足橫琴坐石根

三春冠蓋聚八節管絃遊

陸機文賦云流管絃而日新

石險松橫植

巖懸澗豎流小橋飛斷岸高花出迴樓定須催十酒將

來宴五侯

曹植名都篇云美酒斗十千漢書曰成帝悉封舅王潭王立王根王逢王商時為列侯五

人同日封故世謂之五侯

高閣千尋起長廊四柱連

柱疑作注枚乘七餘云連廊四注

歌聲上扇

月舞影入琴弦

班婕妤怨歌行曰裁成合歡扇團團似明月

澗水纔牕外山

花即眼前但願長歡樂從今盡百年

日晚金槌路

一作

朱軒流水車

漢書賈山曰隱以金椎服虔曰隱集也以鐵椎

築之尚書大傳曰未命為士不得朱軒鄭康成曰軒輿也士以朱飾之軒車通稱也後漢書明德馬后曰前過濯龍門上見外家問起居轆拂緣堤柳薨飄夾路花

者車如流水馬如龍也

篇曰帛張車上曰轆說文曰莞屋棟所以承瓦也聲莫耕切定迎劉碧玉將過陰麗

華

樂苑曰碧玉宋汝南王妾名後漢書光武帝曰娶妾當得陰麗華

非是高陽路莫畏

接羅斜

晉書曰山簡出鎮襄陽惟酒是耽諸習氏荆土豪族有佳園池簡每出遊嬉多之池上置酒輒

醉名之曰高陽池時有童兒歌曰山公出何許往至高陽池日夕倒載歸酩酊無所知時時能騎馬倒著白接羅舉鞭向葛強何如并州兒強家在并州簡愛將也

徘徊出桂苑徙倚就花林

謝莊月賦云肅桂苑潘岳詩云徘徊不忍去徙倚步踟躕

李善注引楚辭曰步徙倚而遙思張銑曰徙遷移也倚立也

下橋先勸酒跂石始調

琴蒲低猶抱節竹短未空心絕愛猿聲近惟憐花徑深

千尋木蘭館百尺芙蓉堂

何平叔景福殿賦曰於是蘭柎積重李善曰蘭木蘭也以

木蘭為栢楚辭曰生堂伏檻臨曲池芙蓉始發離艾荷

落日低蓮井行雲礙菱梁

魯靈光殿賦云圓淵方井反植荷葉張衡西京賦所謂藻井是也薛綜曰藻井當棟中交木方為之如井幹也

漢書郊祀志有井幹樓師古曰井幹樓積木而高為樓若井幹之形也井幹者井上木欄也其形或四角或八角張衡西京賦曰井幹臺而百層幹或作幹義同子山引之或稱蓮井或稱菱井皆謂棟中交木方若井幹之形也芟水草蓮與芟皆水中之物梁上畫以水草所以厭火若藻稅也落日行雲言其高插天也

流水

桃花色春洲杜若香

漢書曰來春桃花水盛楚辭曰寒汀洲兮杜若王逸曰杜若香草也

就階猶不進催來上伎牀

搗衣明月下靜夜秋風飄錦石平砧面蓮房接杵腰

青陽

度歌云碧玉搗衣砧七寶金蓮杆

急節迎秋韻新聲入手調寒衣須及

早將寄霍嫖姚

漢書曰霍去病善騎射再從大將軍受詔予壯士為票姚校尉師古曰票姚勁

疾之貌也荀悅漢紀作栗鵠後
為栗騎將軍尚取栗姚之字耳

出沒看樓殿間關望綺羅翔禽逐節舞流水赴絃歌

王連

楚辭注曰師曠鼓琴天下玄鶴皆銜明月之珠以舞也
呂氏春秋曰伯牙鼓琴志在流水鍾子期曰善哉乎琴
湯湯乎
若流水細管吹叢竹新杯捲半荷南宮冠蓋下日暮風

塵多

後漢書曰肅宗詔賈逵入講尚書
南宮雲臺西都賦曰冠蓋如雲

玉柙珠簾捲金鉤翠幔懸

漢武故事曰上起神屋以白
珠為簾箔玳瑁柙之象牙為

篋荷香薰水殿閣影入池蓮平沙臨浦口高柳對樓前

上橋還倚望遙看采菱船

楚辭曰涉江
采菱發揚阿

高閣千尋跨重簷百丈齊雲度三分近花飛一倍低吹

簫迎白鶴照鏡舞山雞

列仙傳曰蕭史者秦穆公時人也善吹簫致孔雀白鶴於庭異

苑曰山雞愛其羽毛映水則舞魏武帝時南方獻之公子倉舒令置大鏡其前雞鑒形而舞不知止遂乏死

何勞愁日暮未有夜烏啼

樂府有夜烏啼

河流值淺岸歛轡暫經過弓衣濕濺水馬足亂橫波半

城斜出樹長林直枕河今朝遊俠客不畏風塵多

漢書有遊

俠傳

度橋猶徙倚坐石未傾壺淺草開長埒行營繞細厨沙

洲兩鶴

一作岸

迴石岸一松孤自可尋丹竈何勞憶酒壚

江淹別賦云守丹竈而不顧史記曰今文君當鑪韋昭曰鑪酒肆也以土為墮邊高似鑪

上林春逕密浮橋柳路長

上林苑名三輔黃圖曰霸橋在長安東跨水作橋漢人送

客至此橋折柳贈別

龍媒逐細草鶴髦映垂楊

漢書曰天馬徠龍之媒丘遲侍宴樂

遊苑詩云細草籍龍騎晉書曰王恭美姿儀人多愛悅或目之云濯濯如春月柳嘗被鶴髦裘涉雪而行孟昶

窺見之嘆曰此真神仙中人也說文曰髦折鳥羽為旗纛之屬从毛聲聲昌兩切

水似桃花色

山如甲煎香

桃花水見漢書溝洫志注見前語林云石崇廁置甲煎沉香無不具備

白石

清

一作春

泉上誰能待月光

白石春泉滿黃金新埒開

晉書曰王濟移第北芒山下時洛京地甚貴濟買地為馬

埒編錢滿之時人謂為金溝

戚里車先度蘭池馬即來

三輔黃圖曰萬石君奮徙

家長安戚里漢書地理志曰渭城縣有蘭池宮又按尸子云馬有紫燕蘭池與宮名同矣

落花承舞

席春衫拭酒杯行廚半路待載妓一雙迴

神仙傳曰麻姑入拜王遠

遠起立坐定各進行廚皆金盤玉杯無限也

將軍息邊務校尉罷從戎

漢書百官公卿表云前後左右將軍皆周末官秦因之位

上卿金印紫綬漢不常置或有前後或有左右皆掌兵及四曩有長史秩千石又云八校尉皆武帝初置秩皆

二千石池臺臨戚里絃管入新豐

漢書地理志云京兆新豐高祖七年置應劭曰

太上皇恩東歸於是高祖改築城市街
里以象豐徙豐民以實之故號新豐
浮雲隨走馬明

月逐彎弓

西京雜記稱漢文帝有馬名浮雲

比來多射獵惟有上林中

上林苑名天子射獵處也司馬相如作賦亡是公陳上林之事

三危上鳳翼九坂度龍鱗

楚辭曰馳六龍於三危兮王逸云三危西方山也穆天子

傳曰西升九阿郭璞曰旋今新安縣十里有九坂又蜀有九折坂蜀都賦云馳九折之坂劉注云九折坂在漢壽嚴道縣邛莢山鳳翼龍鱗言其山形之相似也

路高山裏樹雲低馬上人懸

巖泉溜響深谷鳥聲春住馬來相問應知有姓秦

古詩日出

東南隅行曰使君從南來五馬立踟躕使君遣吏往問此誰家妹答云秦氏女且言名羅敷

聊開鬱金屋暫對芙蓉池

樂府云盧家蘭室桂為梁中有鬱金蘇合香魏文帝有芙蓉池

作

水光連岸動花風合樹吹春杯猶雜泛細果尚連

枝不畏歌聲盡先看箏柱歛

阮瑤箏賦云柱三寸三才具也

洞靈開靜室雲氣滿山齋古松栽數樹盤根無半埋愛

靜魚爭樂依人鳥入懷仲春徵隱士蒲輪上計偕

漢書武帝

紀師古注曰以蒲裏輪取其安也計者上計簿使也偕俱也今所徵之人與上計者俱來也

今朝好風日園苑足芳菲竹動蟬爭散蓮搖魚暫飛

謝眺

遊東田詩曰魚戲新荷動鳥散餘花落

面紅新著酒風晚細吹衣跂石多

時望蓮船始復歸

金鞍聚磧岸玉軸汎中流

張華詩云青蓋覆金鞍郭璞方言注云今江東人呼柁為

軸畫鷁先防水媒龍即負舟

淮南子曰龍舟大舟也刻為龍文曰龍舟

以飾之鷁水鳥也畫其象著船首晉書曰王濬作大船連舫畫鷁首於船頭以懼江神呂氏春秋曰禹南省方

濟於江黃龍負舟

沙城疑海氣石岸似江樓崩槎時半沒壞舸

或空浮定是汾河上戈船聊試遊

漢武帝秋風辭曰汎樓船兮濟汾河漢書

如淳注曰汾在睢之北西流與河合武帝紀曰歸義越侯嚴為戈船將軍張宴曰有蛟龍之害故置戈於船下

因以為名也

竟日坐春臺芙蓉承酒盃

老子曰如登春臺

水流平澗下山花

滿谷開行雲數番過白鶴一雙來

行雲謂歌也博物志云秦青撫節悲歌響

過行雲白鶴謂舞也韓子云師曠援琴鼓清角有玄鶴二八集於廊門延頸而鳴舒翼而舞古詩云飛來雙白

鶴水影搖叢竹林香動落梅直上山頭路羊腸能幾迴

高誘淮南注曰羊腸山名在太原晉陽西北九十里通西河上郡閼曰羊腸坂是太行孟門之限也此云羊腸者言其山勢之紆迴也

贈周處士

處士周弘讓也當是弘讓隱茅山時所贈故下篇云尋周處士若入魏而後南北異處雖仁威

築壘而子山難可復尋矣
故知是揚都集中之作也

九丹開石室三徑沒荒林

抱樸子曰服九轉丹內神鼎中夏至之後暴之神仙傳曰

廣成子者古之仙人也居崆峒之山石室中三輔洪錄曰將調字元卿舍中三選惟羊仲求仲從之遊皆挂簾

逃名不出陶潛歸去來辭曰三徑就荒松菊猶存李周翰曰荒蕪也仙人翻可見隱士更

難尋

上九丹句謂仙人也三徑句謂隱士也言隱士幽居較諸仙人更難訪也

籬下黃花菊

丘中白雪琴

續晉陽秋曰陶潛嘗九月九日出宅邊菊叢中坐久之滿手把菊王弘送酒至即便

就酌而歸左太冲招隱詩云丘中有鳴琴宋玉對問曰其為陽春白雪二語謂隱士也

方欣松葉

酒自和游仙吟

本草云松葉可為酒能已疾松葉六十斤細剉咀水四石煮取四斗九升以

釀五斗米如常法煮松葉浸米并饋飯泥釀封頭七日
發飲之得此酒力者甚衆曹子建嵇叔夜何敬祖郭景
純並著游仙詩言樽酒共酌招隱之思同於游仙矣

尋周處士弘讓

試逐赤松遊披林對一丘

列仙傳曰赤松子者神農時雨師也服水玉教神農能入

火不燒至崑崙山下常止西王母石室中隨風雨上下炎帝少女追之亦得仙俱去漢書張良曰願棄人間事

從赤松子遊耳 梨紅大谷晚桂白小山秋

西京雜記曰上林苑名果有大谷梨潘岳

洛陽記曰洛陽有張公居大谷有大梨海內惟此一株間居賦云張公大谷之梨是也楚辭招隱士序曰招隱士者淮南小山之所作也其詞曰桂樹叢生兮山之幽

石鏡菱花發桐門琴曲愁

謝靈運入彭蠡湖口詩曰攀崖照石鏡李善注引張僧鑒尋陽記曰石鏡山東有一圓石懸崖明淨照人見形又吳興郡記云臨安縣東有石鏡山東有石鏡具見人形又蜀本紀云蜀王妻以石鏡一枚表其墓魏武有菱花鏡以鏡有菱花之名故云石鏡菱花發也七
發曰龍門之桐故云桐門以桐木堪為琴瑟也泉飛疑度雨雲積似重樓王孫若不去山中定可留
劉安招隱士曰王孫遊兮不歸又云王孫兮歸來山中兮不可以久留王孫喻周處士也言其避世在山誠可隱處也

鏡

玉匣聊開鏡輕灰暫拭塵光如一片水影照兩邊人月生無有桂花開不逐春
月中有桂鏡圓如月而無桂也鏡有菱花菱開夏時故不逐春

也試挂淮南竹堪能見四鄰

淮南子曰高懸大鏡生見四鄰

梅花

當年臘月半已覺梅花開

秦始皇本紀曰三十一年十二月更名臘曰嘉平廣雅曰

周曰大端亦曰臘秦更曰嘉平

不信今春晚俱來雪裏看

言春晚雨雷舒梅也

樹

動懸冰落枝高出手寒早知覓不見真悔著衣單

春衣單

之時早知梅花獨遲必將有春寒雨雪非重幄輕裘難可耐寒也

詠樹

交柯乍百項擢本或千尋楓子留為式桐孫待作琴

爾雅

曰攝木生江上有寄枝高三丈生毛一名楓子天早以
泥塗之即雨述異記曰南中有楓子鬼木之老者為人
形亦呼為靈楓焉風俗通曰梧桐生於嶧陽山巖石之
上采東南孫枝為琴聲清雅周禮鄭注曰孫枝竹之末
生者也桐
孫亦然
殘核移桃種空花植棗林
以桃食帝帝留核
欲種之王母笑曰此桃三千年一著子非下土所植也
晏子春秋曰齊景公謂晏子曰東海有水而赤其中有
棗華而不實
幽居對蒙密蹊徑轉深沉

鬪雞

開軒望平子驟馬看陳王

平子春秋時季平子名意如者也左傳昭二十五年曰季

邱之雞鬪季氏介其雞邱氏為之金距平子怒益官於
邱氏且讓之邱昭伯亦怨平子陳王陳思王曹植也植

名都篇云闢雞東郊道走馬長揪問狸膏燠鬪敵芥粉塹春場曹子建闢雞詩曰願

蒙狸膏助常得擅此場左氏傳曰季氏介其雞杜預注

云搗芥子播其羽也或曰以膠沙播之為介雞正義曰

杜此二解一讀介為芥搗芥子為末播其雞羽是此說也鄭

搗芥子為末播其雞翼可以全邱氏雞羽是此說也鄭

衆云介甲也為雞著甲高誘注呂氏春秋曰鎗著雞頭

蓋以膠塗雞之足然以沙摻之令其溢得傷彼雞也此

云芥粉用杜氏之前說也解翅蓮花動猜羣錦臆張鮑照

說文曰塹塵也聲於蓋切解翅蓮花動猜羣錦臆張

雞朝飛云勿繡頸碎錦臆臆

也言翅若蓮花膚色如錦也

應令

望別非新館開舟即舊營浦喧征棹發亭空送客還路

塵猶向水征帆獨背關

杏花

春色方盈野枝枝綻翠英依稀映村塢爛漫開山城好
折待賓客金盤襯紅瓊

集周公處連句

周公陳尚書周弘正也弘正入周信集其處有傷舊國之詞

市朝一朝變蘭艾本同焚故人相借問平生如所聞

謝眺

詩曰寂寞市朝變淮南子曰紫芝與蕭艾俱死傳玄鷹免賦曰秋霜一下蘭艾俱落

寄徐陵

南史云徐擒子陵字孝穆晉安王為皇太子東
官學士陵充其選陳武帝以為尚書左丞封建
昌縣侯為尚書左僕射位
至左光祿大夫太子少傅

故人倘思我及此平生時莫待山陽路空聞吹笛悲

向秀

思舊賦序鄰人有吹笛者發聲寥亮追思曩昔遊
宴之好感音而嘆故作賦云辭曰經山陽之舊居

寄王琳

南史云王琳字子珩會稽山陰人也本兵家元
帝居蕃琳姊妹並入後庭見幸琳由此得在左
右少好武遂為將帥平景之勳與杜龕俱為第
一後平武陵王紀元帝性多忌以琳所部甚盛
又得衆心故出之嶺外元帝為魏圓逼乃徵琳
赴援除湘州刺史琳師次長沙知魏平江陵已

立梁王督乃為元帝舉哀三軍縞素遣別將侯
平率舟師攻梁琳屯兵長沙傳檄諸方為進趣
之計師老兵疲不能進陳武帝既殺王僧辯推
立敬帝以待中司空徵琳不受命乃大營樓艦
將圖義舉陳武帝遣將侯安都等討琳仍受梁
禪安都嘆曰我其敗乎師無名矣逆戰於沌口
琳禽安都等移湘州軍府就郢城帶甲十萬練
兵於白水浦琳巡軍而言曰可以為勤王之師
矣溫太真何人哉後因歲星在牛斗自知有喪
軍敗為吳明徹所殺哭者聲如雷矣按王琳方
志雪讎恥故子
山有是寄焉

玉關道路遠金陵信更疎獨下千行淚開君萬里書

漢書

曰龍勒有玉門關謝眺鼓吹曲云江南佳麗地金陵帝
王州玉關喻已身留長安如遠戍玉門也金陵謂建鄴

舊都也元帝遷都江陵為蕭登所敗敬帝仍都建鄴又為陳霸先所篡王琳西攻岳陽東拒陳武蓋梁室之忠臣子山為之下淚矣

奉和趙王

花徑日相攜花林鳥未棲
比看中郎醉堪聞烏夜啼

樂府

烏夜啼宋彭城王義康時所作也

和劉儀同臻

隋書文學傳云劉臻字宣擊沛國人也年十八舉秀才為郢陵王東閣祭酒元帝時遷中書舍人江陵陷後歸蕭瑒以為中書侍郎周冢宰宇文顓辟為中外晉室參軍羽檄多成其手高祖

受禪進位儀同
三司左僕射

南岸廣陵岸回首落星城不言登舊浦烽火照江明

漢書

曰廣陵國屬吳也吳都賦曰饗戎旅乎落星之樓劉淵林注云吳有落星樓在建鄴東北十里

和庾四

疑即庾季才與信同八世祖湓江陵平隨例入長安鄉關之思相為倡和云

離關一長望別恨幾重愁無妨對春日懷抱只言秋

禮記

曰西方者秋秋之為言愁也淮南子曰秋士悲

和侃法師三絕

一作和侃法師別詩

秦關望楚路灞岸想江潭幾人應淚落看君馬向南

秦關

欽定四庫全書

庚子山集
卷四

七

函谷關灞岸灞陵岸謂長安也楚路江潭謂江陵也後周都長安江陵本元帝所都言在周想望故國也楚辭曰寄生乎江潭時侃法師南還與子山作別故云

客遊經歲月羈旅故情多近學衡陽雁秋分俱渡河

左氏

傳曰羈旅之臣地記云衡山一峰極高雁不能過遇春北歸故名迴雁或曰峰勢如雁之回故名

迴首河隄望眷眷嗟離絕誰言舊國人到在他鄉別

言與

侃法師本南人今在北方別也舊國謂梁也他鄉謂長安也

送周尚書弘正二首

交河望合浦玄菟想朱鳶共此無期別知應復幾年

漢書

曰車師王治交河城又曰合浦郡武帝六年開屬交州
玄菟郡武帝元封四年開高句驪屬幽州交趾郡朱鸞
縣交河與合浦玄菟與朱鸞皆極遠之
地以喻已與弘正南北隔絕若秦越矣

離期定已促別淚轉無從惟愁郭門外應足數株松傷已

將老死於
長安也

重別周尚書二首

尚書周
弘正也

陽關萬里道不見一人歸惟有河邊雁秋來南向飛漢書

西域傳曰東則阬以玉門陽關孟康曰二關皆在敦煌
西界月令曰季秋之月鴻雁來賓言已留長安如在陽
關之外弘正南還
若秋雁渡河也

河橋兩岸絕橫歧數路分山川遙不見懷袖遠相聞

贈別

藏啼留送別拭淚強相叅誰言畜衫袖長代手中綏

舍音

言濕衫袖若水和物也於韻宜在十三覃俗本不載或見去聲時俗字書須以此詩證入庶為近雅

徐報使來止得一見

徐陵也

一面還千里相思那得論更尋終不見無異桃花源

述異

記曰武陵源在吳中山無他木盡生桃李俗呼為桃李源源上有石洞洞中有乳水世傳秦末喪亂吳中人士於此避難食桃李實者皆得仙

行途賦得四更應詔

四更天欲曙落月垂闌下深谷暗藏人欹松橫礙馬

說文

曰曙且明也

和江中賈客

一作賈客詞

五兩開船頭長橋發新浦懸知岸上人遙振江中鼓

淮南

子曰譬如覩之見風也高誘曰覩候風者也世謂之五兩凡候風以雞羽重五兩繫五文為旗

奉和平鄴應詔

周書本紀云建德六年帝至鄴率諸軍圍之齊人拒守諸軍奮擊大破之遂平鄴

天策引神兵風飛掃鄴城陣雲千里散黃河一代清

左傳

杜預注云天策傳說星也鄴城北齊所都也鄴漢屬魏郡故三國魏都也掃平也史記天官書曰陣雲如立垣王子年拾遺記曰丹丘千年一燒黃河千年一清皆至聖之君以為大瑞

送衛王南征

周書曰文帝子衛刺王直天和中陳湘州刺史華皎舉州來附詔直督綏德公陸通大將軍田弘權景宣元定等兵赴援與陳將淳于量吳明徽等戰於沈口是其事也

望水初橫陣移營寇未降風塵馬足起先暗廣陵江

漢書

地理志曰廣陵國屬荊州更屬吳景帝更名江都廣陵江都易王非廣陵屬王晉皆都北枝乘七發云並往觀

清乎廣陵之曲江言
伐陳徙廣陵渡江矣

仙山二首

金竈新和藥銀臺舊聚神相看俱莫怯先師應識人

江淹

恨賦曰守丹竈而不顧鍊金鼎而方堅郭璞遊仙詩曰神仙排雲出但見金銀臺

石軟如香飯鉛銷似熟銀蓬萊暫近別海水遂成塵

朱彥

伯名士傳曰王烈服食養性嵇康甚敬信之墮入山烈得石隨柔滑如飴即自服半餘半以與康即凝為石抱樸子曰道士李根煎鉛錫以藥投鼎中鐵匙攪之冷即成銀神仙傳曰尹執入荆山銷鉛成銀

山齋

石影橫臨水山雲半繞峯遙想山中店懸知春酒濃

野步

值泉仍飲馬逢花即舉杯稍看城闕遠轉見風雲來

山中

澗暗泉偏冷巖深桂絕香住中能不去非獨淮南王

辭楚

招隱士者淮南小山之所作也其辭云桂樹叢生
芳山之幽又云王孫兮歸來山中不可以久留

閨怨

明鏡圓花發空房故怨多幾年留織女還應聽渡河

仙神

傳曰桂陽成武丁曰七月七日織女當渡河

和趙王看妓

長思浣紗石空想

一作定憶

擣衣砧臨叩若有便

一作使

為說

解琴心

十道志曰句踐索美女以獻吳王得之諸暨亭鼎山賣薪女也西施山下有浣紗石絕異記曰

崇山之上王女擣帛石瑩徹光潔山下人曰立秋前一日中夜嘗聞杵聲漢書司馬相如傳曰卓王孫有女文君新寡好音故相如繆與臨叩令相重而以琴心挑之大君竊從戶窺心悅而好之既罷相如令侍人重賜大君使者通殷勤大君夜亡奔相如

看舞

驚迴不假學鳳舉自相關到嫌衫袖廣恒長礙舉聚

宋

舞賦云舞迴鸞以紆袖又云為鳳翼之逶迤韓詩外傳曰鳳舉曰上翔

聽歌一絕

協律新教罷河陽始學歸但令聞一曲餘聲三日飛

漢

曰李延年為協律都尉列女傳曰趙皇后屬河陽主家學歌舞號曰飛燕列子曰韓城東之齊遺糧過雍門當歌假食而去餘響遠梁三日不絕雍門人至今善歌效韓娥之遺意也

暮秋野興賦得傾壺酒

劉伶正促酒中散欲彈琴但令逢秋菊何須就竹林

世說

曰陳留阮籍嵇國嵇康河內山濤三人皆相凡預此契者沛國劉伶陳留阮咸河內向秀瑯邪王戎七人常集於竹林之下肆意酣暢

對酒

數杯還已醉風雲

一作春風

不復知惟有龍吟笛桓伊能獨

吹

晉書曰桓伊善音樂盡一時之妙為江左第一有蔡邕柯亭笛常自吹之王徽之赴召京師泊舟清溪側

素不與徽之相識伊於岸上過船中客稱伊小字曰桓野王也徽之便令人謂伊曰聞君善吹笛試為我一奏伊是時已貴顯素聞王名即便回下車踞胡牀為作三調弄畢便上車去客主不交一言

春日極飲

檻前聞鳥囀園裏對花開就中言不醉紅袖捧金杯

樂府

碧玉歌碧玉奉金杯
綠酒助花色

春望

春望上春臺春牕四面開落花何假拂風吹會併來

老子

曰熙熙然如登春臺

新月

鄭環惟半出秦鉤本獨懸若交臨酒影堪言照弩弦

左氏

傳曰宣子有環其一在鄭商釋器云肉好若一謂之環
鮑照望月詩曰纖纖如玉鉤秦羅敷詞曰桂枝為籠鉤

故曰秦鉤言新月類玦又如鉤也釋名曰陟月
車之名也其形一旁曲一旁直若張弓弦也

秋日

蒼茫望落景
羈旅對窮秋
賴有南園菊
殘花足解愁

望渭水

樹似新亭岸
沙如龍尾灣
猶言吟溟浦
應有落帆還

十洲

記曰丹陽郡新亭在中思里吳舊亭也謝眺有新亭渚
別范零詩越絕書曰北顧以西度陽下溪過歷山陽龍
尾西大洪通安湖又曰無錫西龍尾陵道者
春中君初封吳所造也言望長安如江南也

塵鏡

欽定四庫全書

明鏡如明月恒常置匣中何須照兩鬢終是一秋蓬

和淮南公聽琴聞弦斷

嗣宗看月夜中散對行雲一弦雖獨韻猶足動文君

晉書

曰阮籍字嗣宗善彈琴嵇康字叔夜拜中散大夫常備養性服食之事彈琴詠詩自足於懷漢書曰卓王孫有女文君新寡好音相如以琴心挑之文君夜亡奔相如一弦謂一弦斷也言此斷弦之聲亦足挑動文君也

弄琴二首

雉飛催晚別烏啼驚夜眠若交新曲變惟須促一絃

古辭

有雉朝飛烏夜啼言其以為琴曲也神仙傳曰孫登善彈一絃琴

不見石城樂惟聞鳥噪林新聲逐絃轉應得動春心

古辭

有石城樂五曲其一云生長石城下開牕對城樓城中諸少年出入見依投唐書樂志云石城樂者宋賦所作也石城在竟陵郡於城上眺矚見羣少年歌謠通暢因作此曲古今樂錄曰石城樂舊舞十六人鳥噪林即鳥夜啼曲也樂志云鳥夜啼宋臨川王義慶所作也又有西鳥夜飛五曲樂錄云宋元徽五年荊州刺史沈攸之所作也楚辭曰目極千里蕩春心

詠羽扇

搖風碎朝翮拂汗落毛衣定似回谿路將軍垂翅歸

東觀

漢記曰馮異字公孫拜征西將軍與赤眉相距上命諸將士屯澠池為赤眉所乘反走上迴谿阪異復合兵追

欽定四庫全書

廣子山集
卷四

文

擊大破之璽書勞異曰
垂翅回谿奮翼澗池

題結綫袋子

交絲結龍鳳鏤彩織雲霞一寸同心縷千年長命花

賦得鸞臺

九成吹玉琯百尺上瑤臺能將秦女去終是鳳皇來

尚書

曰蕭韶九成鳳皇來儀說文曰古者玉琯以玉楚辭曰望瑤臺之偃蹇兮秦女弄玉也見列仙傳

賦得集池雁

逢風時迴度逐侶作爭飛猶憶方塘水今秋已復歸

劉楨

詩曰方塘含白
水中有魚與雁

詠雁

南思洞庭水北想雁門關稻梁俱可戀飛去復飛還

弘盛

之荊州記曰雁塞北接陽州汝陽郡其間東西崩屬天
無際雁飛翥至此即回翼惟一處稍下每雁飛遠則矯
翼裁度下處而過故名雁塞山海經曰雁門之水出於
雁門之山雁出其間郭璞注云雁門山即北陵西隄雁
之所出因以名云在高柳北魯連子曰君雁鵝有餘粟
韓詩外傳田饒謂魯哀公曰黃鵠止君園池啄君稻梁
忽見檳榔

檳舍南方草木狀曰檳榔樹高十餘丈皮似青
桐節如桂竹下本不大上枝不小調直亭亭千

欽定四庫全書

庚子山集
卷四

五

萬若一森秀無柯端頂有葉葉似甘蕉條派開
破仰望眇眇如神叢蕉於竹杪風至獨動似舉
羽扇之掃天葉下繫數房房綴數十實實大桃
李天生棘重累其下所以御衛其實也味苦澁
剥其皮鬻其膚熟如貫之堅如乾棗以扶留藤
古貢灰并食則滑美下氣滑穀出林邑彼人以
為貴婚族客必先進若邂逅不
設用相嫌恨一名賓門藥錢

綠房子子熟紫穗

一作
穠

百花開莫言行萬里曾經相識

來

賦得荷

秋衣行欲製風蓋漸應歆若有千年蔡須巢但見隨

楚辭

曰製芰荷以為衣。又曰援芙蓉以為蓋。張景陽七命曰：北發靈蔡，漢書食貨志曰：元龜名蔡師古曰：李以蔡出善龜，故名龜為蔡。抱樸子玉策記曰：千歲龜五色，額骨起如角，浮於蓮葉之上，或在叢著之下。

移樹

酒泉移赤奈河陽徙石榴雖言有千樹何處似封侯

漢書

地理志曰：酒泉郡武帝太初六年開，應劭曰：其水苦酒，故曰酒泉。西京雜記曰：初修上林苑，羣民遠方各獻名果異樹，奈三白奈、紫奈、綠奈、潘岳集中有河陽庭前安石榴，賦其序云：石榴者天下之奇樹，九州之名果也。漢書貨殖傳曰：蜀漢江陵千樹橘，渭川千畝竹，此其人與千戶侯等。

奉梨

接枝秋轉脆會消落更香擎置仙人掌應添瑞露漿

三輔

黃圃曰御宿園出大梨落地則破其取梨先以布囊承之號曰含消漢書曰孝武作承露仙人掌

傷往二首

見月長垂淚花開定歛眉從今一別後知作幾年悲

此子

山鄉關之思也

鏡塵言苦厚蟲絲定幾重還是臨牕月今秋迴照松

論衡

曰蜘蛛輕絲以網飛蟲張景陽雜詩曰蜘蛛網四屋

春日離舍二首

秦青初變曲未有逐琴心明年花樹下月月來相尋

子列

曰薛譚學謳於秦青未窮青之技自謂盡之遂辭歸秦青弗止錢於郊衢撫節悲歌聲響遏行雲薛譚乃謝求返終身不敢言歸漢書曰文君新寡好音相如以琴心挑之師古曰寄心於琴聲以挑動之也

田家足閒暇士友暫流連三春竹葉酒一曲鷓鴣弦

張衡

七辨曰玄酒白醴葡萄竹葉張協七命曰豫北竹葉張華輕薄篇曰蒼梧竹葉青宜城九醞酒嵇叔夜琴賦曰嘒若離鷓鴣鳴清池又曰鷓鴣難遊絃李善注云古相和歌有鷓鴣難曲

和迴文

和湘東王後園

早蓮生竭蘓嫩菊養秋鄰滿池留浴鳥分橋上戲人

問疾封中錄

雙聲

形骸違學宦狹巷幸為閤虹迴或有雨雲合又含寒橫

湖韻鶴下迴溪狹

一作決

猿還懷賢為榮衛和緩惠綺紈

原本疑是何凡左傳有醫和醫緩良醫也

示封中錄二首

似吃語詩

貴館居金谷關扃隔藁街冀君見果顧郊間光景佳

漢書

曰鄧支首懸藁街蠻夷邸問晉灼曰黃圖在長安城內也

高階既激澗廣閣更交柯葛巾久乖角菊徑簡經過

後漢

書曰郭太字林宗嘗於陳梁間行遇雨中一角墊
時人乃故折巾一角以為林宗巾注巾以葛為之

秋夜望單飛雁

失羣寒雁聲可憐夜半單飛在月邊無柰人心復有憶

今暝將渠俱不眠

代人傷往二首

青田松上一黃鶴相思樹下兩鴛鴦無事交渠更相失

不及從來莫作雙

鄭緝之永嘉記曰有沐溪野去青田九里有雙白鶴年年生子長大便去

只恒餘父母一隻耳精白可愛多云神仙所養浮丘公相鶴經云青田之鶴千寶搜神記云宋康王舍人韓憑

娶妻何氏美康王奪之憑自殺妻投臺而死里人埋之冢相望也宿昔有大梓木生於二冢之端有鴛鴦各一恒棲樹上交頭悲鳴音聲感人宋人哀之遂號其水曰相思樹相思之名起於此也注詳見鴛鴦賦

雜樹本惟金谷苑諸花舊滿洛陽城正是古來歌舞處

今日看時無地行

石崇金谷詩序曰有別廬在河內縣金谷澗中思歸引序柏木幾於萬株

董嬌嬈詩云洛陽城東路桃李生路傍枝枝自相對葉葉自相當

狹客行

一作畫屏風詩二十五篇之首在詩集大苑英華另作狹客行在樂府今附錄四卷

詩末五卷樂府之前

狹客重連鑣金鞍被桂條

說文曰鑣馬勒旁鐵也釋名曰鑣包也所以在旁包飲其


口細塵障路起驚花亂眼飄酒醺人半醉汗濕馬全驕

漢書天馬歌曰
沾赤汗沫流赭

歸鞍畏日晚爭路上河橋

晉書杜預建
河橋於富平

津



庚子山集卷四